

الفخ

رواية

سنيهائية



محمد أحمد مسلم

الفخ

تأليف

محمد مسلم

تأليف: محمد احمد مسلم

تصميم غلاف : كيرلس عاطف ، محمد مسلم

مشهد ١

"شوارع دوله الكويت وسماع لدوى صفارات سيارة الإسعاف في احد شوارع المدينة متجه إلى المستشفى"

مشهد ٢

"استقبال احد المستشفيات ونرى مجموعه الأطباء في الاستقبال ونسمع بعض الأصوات"

صوت ١: "بصوت عالى" دى حاله ولادة عاوزين عربيه بسرعة
صوت ٢: صوت سيده تصرخ من الأم الولادة

"يأخذون السيده على العربيه ويجرون بها في طرقات المستشفى إلى غرفه العمليات ومازالت تصرخ بشده"

مشهد ٣

"سيارة مسرعه في طرقات لمدينه حتى تصل إلى المستشفى وينزل منها رجل ويظهر عليه اثار الخوف والارتباك ويجرى الرجل إلى الاستقبال ويسال الممرضة"

الرجل ويدعى عادل: "وهو ينهج" حضرتك فيه حاله ولادة جت من شويه هي فين؟

الممرضة: في غرفه العمليات آخر الطرقة يمين

عادل: شكرا "ويسرع في اتجاه غرفه العمليات"

عادل "يمسك احد الأطباء خارج من العمليات وسأله في لهفه": اخبرها إيه يا دكتور أنا جوزها طمنى

الطبيب "بلكنة كويتيه": ما تقلقش هي بخير وانتقلت في قوضه ٥١٢ والطفل في الحضانه وصحته كويسه

عادل "بفرح": شكرا يا دكتور

"ويجى على السلام بحثا عن الغرفة التي توجد بها زوجته"

"يتجه عادل إلى غرفه احمد ابنه وهو طفل في الاعداديه ويقرع عادل باب غرفه ابنه ويدخل ونرى أن الغرفة كلها رسومات جميله وكلها لأحمد هو الذي قام برسمها ونرى أن احمد واقف أمام المرأة يسرح شعره وقد ارتدى زي المدرسة"

عادل : الله الله..... صحيت ولبست ومش بعيد تكون فطرت ونازل كمان..... إنت جايب النداله دى منين يااض إنت

أحمد : لا والله يا بابا أنا كنت جاي اصحيك إنت وماما دلوقتي

عادل : ماشى... ماشى.... صاحيلى بدري عشان فيها حفله.... إنما لو فيها مدرسه ودراسه كنت جيت لقيتك بتشخر وعمال تعملي مmmmmmmههههههه وأصواتك الغربية دى "وينظر إلى ابنه وبتسم" صح ولا أنا غلطان

أحمد : يا بابا بقى أصل أنا اiiيه.....

عادل : إنت لسه هتهته يلا فين البوسه بتاعتي "ويأخذ ابنه في حضنه ويقبله على خده ويقول له".... يلا عشان تفطر ونروح المدرسة

مشهد ٦

"يركب عادل السيارة وبجواره منى زوجته وفي الخلف ابنه احمد ويذهبون إلى المدرسة وعند وصولهم ينزل احمد ويجرى إلى داخل المدرسة تارك أبوه وأمه خلفه"

أحمد: أشوفكم في الحفلة..... وابقوا سققولى جامد

عادل: يلا يا أهبل يا ابن.....

منى: "تقاطعه وهي مبتسمة ورافعه يدها وكأنها سوف تلکمه في وجهه" يا ابن الایه.... قول مالك خايف لیه

عادل: لا مش خايف ولا حاجه.... هو أنا المفروض أخاف من الرقة دى كلها

منى: "وقد أنزلت يدها" ايوه يا اخويا ثبتني ما هو انت مش فالح غير في كده

عادل: "يضع يده على كتفها" يا منى يا حبيبتى بدلع عليكى.... ولا أروح ادلع بره

"وينادى على الأسماء ويستلوا شهادات التقدير بما فيهم احمد"

المدير: "بلكنة كويتيه" والآن هو ميعاد استلام جوائز الإبداع الثقافي

"ويبدأ نداء الأسماء وبعد كل اسم نسمع صوت التصفيق"

محمد السيد عن بحثه في التاريخ الإسلامي
خليفة مأمون في مسابقه حفظ القران
سليمان وافى في حفظ الأحاديث النبوية

المدير: والآن ميعاد تسليم جوائز الإبداع الفني

"ويبدأ نداء الأسماء وبعد كل اسم نسمع صوت التصفيق"

هاشم محمد في التمثيل
عمر ياسر عن قصيده الروح
تامر يسرى في الغناء
أحمد عادل عن رسوماته عن التاريخ والحضارة المصرية القديمة

"نرى أحمد وهو يستلم الجائزة ووالديه جالسان ويصققان لسه بحرارة شديدة"

مشهد ٨

"ينتظر عادل ومنى ابنهم احمد أمام قاعه الاحتفال ونرى إن جميع الآباء والأمهات مع أبنائهم
ويقابلوهم بفرح وهناك حاله من الفرح تعم المكان حتى خرج احمد وهو يجرى على والده ووالده
يأخذه في حضنه ويرفعه عن الأرض"

عادل: إيه يا واد الرسومات الجامدة دى... دا انت فنان كبير بقى

أحمد: اومال انت فاكر إيه

عادل: "يضع يده على رأسه" يلا يا لمض خيلنا نروح

"وهم في طريقهم للخروج يسمع عادل صوت يناديه باسمه فيلتف ليرى من هو فيجده مدير المدرسة
فيقف عادل ليرى ماذا يريد"

المدير: "يقترّب من عادل" ممكن نتكلم كلمتين سوا

عادل: طبعاً انت تؤمر خير إن شاء الله
المدير: "ياخذ عادل بعيد عن الولد ويتحدث معه بلكنة كويتيه" يا أستاذ عادل احمد ابنك بيحب مصر
قوى وهو عمره ما راحها ونفسوا يروح يشوف بلده وبعدين بيني وبينك مصر بلد جميله اى
حد يتمنى يروحها تخيل بقى لو هي أساسا بلده

عادل: "بحسره" والله عندك حق أنا كمان مصر وحشتني قوى وبعدين أنا كنت عامل حسابي
إننا هنسافر مصر في أجازة الصيف بس اتاجلت بسبب الشغل وباذن الله أنا ناوي لما اخلص
المشروع اللي في ايدى هنا وأسلمه للشركة هاخذ أجازة طويلة في مصرانا وابني إنشاء الله

المدير: "بلكنة كويتيه" كان الله في العون أستاذ عادل وأسف على الإزعاج

عادل: ولا إزعاج ولا حاجه دا أنا شاكر جدا لاهتمامك

المدير: "بلكنة كويتيه" لا دا شغلي

"ويلقون التحية على بعضهم ويتفرقوا ويذهب عادل إلى ابنه وزوجته"

أحمد: بابا المدير كان عاوز منك إيه

عادل: "ضاحكا" كان بيقولى انك جامد آخر حاجه يا فنان يا مشرفنا

مشهد ٩

"يذهبوا إلى المنزل ويدخل احمد إلى غرفته ويجلس عادل في غرفه الصالون والهيم على وجهه"

منى: فيه ايه يا عادل؟ من ساعة ما المدير كلمك وأنا حاسة إن فيه حاجه غريبة

عادل: احمد ابننا يا منى..... ثم يسكت

منى: ماله؟

عادل: نفسوا يروح مصر ما رحهاش من يوم ما اتولد وما يعرفش عنها حاجه إلا من النت والكتب
اللي بجبها له في الاجازة وأنا كنت عامل حسابي إن إحنا هنسافر في الاجازة دى بس ظروف الشغل
منعتني

الفخ

منى: تصدق يا عادل الولد عنده حق بقلنا اكثر من ١٥ سنة ما نزلناش مصر والبلاد وحشتني قوى واللي مهون عليا شويه إن إحنا في منطقه معظمها مصريين محسسين الواحد انو في مصر

عادل : معلىش بقى أنا لازم انزل عندي شغل كبير خلى بالك من نفسك مش عاوزه حاجه اجبهالك وأنا راجع

منى : لا يا حبيبي تروح وتسجى بألف سلامه ربنا يخليك لينا أنا وابنك

"ويخرج عادل من المنزل بعد تقبيل رأس زوجته وإلقاء السلام عليها"
مشهد ١٠

"الابن والأم في حاله قلق وهم جالسون في الصالون ويرنون على هاتف عادل ولكنه لايرد "

أحمد: على فكره بابا بيهزر ما اتصلش لحد دلوقتي ليه دى نتيجة ثانوية مش اعدادى

منى : مش عارفه ربنا يسوقه

"صوت الباب وهو يفتح وإذا به عادل"

عادل: من غير ضرب ولا شتيمه أنا أسف انى اتاخرت "ويدخل ويجلس على الكرسي"

أحمد: إيه يا بابا إنجز بقى

عادل: ولد قليل الأدب بتقول لأبوك إنجز

أحمد: يوووووووووووووووووووه

عادل: وكمان يوووووه مش قايلك حاجه وخليك كده

أحمد: "بغضب" طب أنا أسف

عادل : ايوه كده عيل فاشل مبروك جبت ٩٧% يا فاشل

أحمد: "وظهرت على وجهه علامات الفرح" فين حلوة نجاحي بقى

منى : مبروك يا أحمد وعقبال الكلية

عادل : ودي بقى المفاجاه بتاعتى لأحمد وليكى

الفخ

"العائلة في مطار الكويت ويمرون ليختموا الجوازات والتحقق من التذاكر ثم بعد ذلك يذهبوا إلى الطائرة وتقلع الطائرة من مطار الكويت متجه إلى مطار برج العرب في مصر"

أحمد : هو إحنا ليه هنروح إسكندريه وبعدين القاهرة مع إن عمى في القاهرة

عادل : لان شركة الطيران اللي بتتعامل معاها الشركة اللي أنا شغال فيها رحلتها لمطار برج العرب مش مطار القاهرة وبعدين من إسكندرية للقاهرة ٢ أو ٣ بكتيرو

أحمد : مش مهم المهم انى رايح مصر

مشهد ١٢

"نرى الطائرة تهبط في مطار برج العرب وتنزل العائلة منها وعلى وجه أحمد ابتسامه عريضة ثم بعد ذلك يتوجهوا إلي المطار حيث ختم الجوازات ثم بعد ذلك يتوجهوا إلى خارج المطار ويذهب عادل إلى سائق احد السيارات ونراه يتفق معه إن يأخذهم إلى القاهرة ثم يشير عادل إلى أسرته ويضعوا الحقائب في السيارة وتنطلق السيارة ونرى طريقهم حتى الوصول إلى منزل هاشم اخو عادل وعم أحمد"

مشهد ١٣

"نرى السيارة وقد توقفت في احدى المناطق الشبه شعبيه في في شارع فيصل بمحافظة الجيزة وبالأخص امام بيت مكون من ثلاثه ادوار وله بوابه سوداء كبيره وعدد من عتبات السلم قبل هذه البوابه ونرى أن عادل والعائله نزلوا من السيارة وانزلوا الحقائب منها ونرى عادل وهو يحاسب السائق ثم ينطلق السائق ويتجه عادل إلى المنزل ويقرع الجرس وبعدها بفترة وجيزه تضائ انوار المدخل ونرى هاشم وزوجته ينزلون من على السلم في اشتياق شديد لعادل وزوجته وابنه"

هاشم: "وهو يفتح البوابه" نورتوا مصر كلها نورتوا مصر

"وبعد فتح البوابه يأخذ هاشم اخوه عادل بالاحضان والقبل وهو يردد جمله ١٩ سنه ماشوفكش فيها يا ندل وفي الجانب الاخر تسلم قاتن زوجه هاشم على منى وأحمد وبعد ذلك ينظر هاشم إلى أحمد وياخذه في حضنه"

هاشم: "بفرح" ربنا يباركلك فيه يا عدول

الفخ

فاتن: إحنا اسفين يا جماعه من فرحتنا نسينا نقولكم اتفضلوا

هاشم: "بلهفه" اتفضلوا..... اتفضلوا وبعدين انتوا محتاجين عزومه دا البيت بيتكم

"ويصعدوا على السلام حتى يصلوا إلى الدور الثاني ويدخلوا الشقه"

هاشم: خدى يا فاتن الشنط بتاعت عادل ومنى للقوضه بتاعتهم وأنا هاخذ ابن اخويا لقوضته

فاتن: حاضر "وترفع الحقائق من الارض" اتفضلوا البيت بيتكم والله نورتونا

هاشم: "ياخذ حقائق أحمد" يلا يا وحش هوريك قوضتك تدخل تاخذ دش وتغير في السريع وتسجى
عشان نتعشى وناكل لقمه مع بعض

أحمد: فوريره

هاشم: "يضحك ويضربه على كتفه ضربه خفيفه" طيب يلا أنت لسه واقف

"ياخذ احمد حقايبه ويدخل إلى الغرفه ثم يتجه هاشم إلى غرفه الصالون ويجلس امام التلفاز ويقلب
في القنوات وبعدها يقلب يدخل عليه عادل"

عادل: وحشتني يا كبير "ويجلسه على الكرسي المجاور للكنبه"

هاشم: والله أنت عيل وسخ ١٩ سنه يا مفترى ماشوفكش فيهم بلاش أنت ماشوفش ابنك

عادل: أنت هتمثل ما أنا كنت على طول ببعثلك صورنا وبنكلمك على النت وسكاي بي

هاشم: هو ده كلام برضوا هو فيه احسن من إن يبقى وشى في وشك كده بلا نت بلا كمبيوتر

عادل: سيبك من الكلام ده اهم حاجه أنت عامل إيه وولادك الاتنين عاملين إيه

هاشم: ما أنت عارف إن ياسر خلص هندسه مدنى وسافر الامارات

عادل: طيب فارس فين

هاشم: أنت بتستهبل ما أنت عارف انوا ضابط في الجيش

عادل: اه ما أنا عارف قصدى انوا لسه ما اخدش أجازة

هاشم: لا لسه وبعدين هو كان لسه هنا من يومين يعنى قدامك ٣ أو ٤ شهور كمان لانه واخذ شقه
ومتجوز وقاعد هناك

الفخ

هاشم ونرى عادل ومنى وهاشم مرتدين ملابس الخروج ويقفون في غرفه أحمد يحاولون ايقاظه من النوم"

عادل: "وهو جالس على السرير بجوار أحمد" احمد..... احمد يلا اصحى

أحمد: "بصوت يملأه النوم" عاوز إيه يا بابا الساعة دى سيبنى انام

هاشم: اصحى يا احمد عندي ليك مفاجأة
أحمد: "بصوت يملأه النوم" طيب اجلوها لما ابقى اصحى

عادل: "بصوت عالى" متصحى بقى ياااااااااااض

أحمد: "بضيق ويقوم ويجلس على السرير" يووووووووووووووووووه صحيت اهو عاوزين إيه بقى

منى: قوم خد دش وغير هدومك واحنا مستنين برا بس إنجز عشان متناخرش

أحمد: متناخرش على إيه بقى؟

عادل: يلا وبلاش تضيع فى الوقت وبعدين هتعرف كل حاجه

أحمد: حاضر بس يلا من غير مطرود عشان اغير هدومى

عادل: حاضر يا سيدى أنت تؤمر بس بسرعه

"ويخرجون جميعا خارج الغرفه وعند خروجهم و اغلاق الباب ورائهم يعود أحمد إلى النوم على السرير مره اخرى وبعدها بثوانى يدخل والده لدخول الغرفه"

عادل: أنا كنت عارف انك هتعمل كده متتجز ياااااااااااض

أحمد: خلاص حاضر قايم اهو الواحد ميعرفش يامله شويه في البيت ده

عادل: اخلص يااااض وبطل لماضه واوعى تنام تانى

أحمد: خلاص أنا صحيت وعلشان اريحك اهوووووووو" ويلتقط زجاجه المياه من جانبه ويفرغها على رأسه"

عادل: أنت كده تمام يلا بقى قوم البس "ويغلق الباب ويخرج من الغرفه"

"يخرج أحمد من غرفته ويجدهم جالسون على السفره وينادون عليه ليتناول الافطار فيجلس معهم على السفره ويتناول الافطار معهم وبعد الانتهاء"

مشهد ١٦

"الشمس ساطعه في كل مكان ونرى عادل و ابنه أحمد في غرفه أحمد جالسون على اللاب توب ويتشاورون في امور التنسيق للكليات ونسمع صوت طرق للباب"

عادل: اتفضل

"يدخل هاشم"

هاشم: قاعدين لوحدكوا بتعملوا إيه؟

عادل: بنتناقش هنشوف الاخ ده هيدخل كليه إيه "ويشير بيده إلى احمد"

أحمد: اه صحيح يا عمو تفتكر ادخل كليه إيه؟

هاشم: مش عارف والله!!!!!!.....بس بالنسبة للصور والرسومات اللي كان بيعتھالی عادل وبيقولى انك أنت اللي رسمها أنا شايف انك تدخل كليه فنون جميله

أحمد: "فرحا" اه صح مجتتش في بالى ازاي دى

عادل: اه صح أنت مبسوط يااااض أنت

أحمد: اه مبسوط دى اكثر حاجه بحب اعلمها... الرسم

عادل: يعنى أنت متأكد من كلامك عاوز تدخل فنون جميله

أحمد: اه متأكد يلا اكتبها بقا

هاشم: بس الكلية ليها اختبارات الاول

عادل: اختبارات إيه؟

هاشم: اختبارات عشان يشوفوا اذا كان يصلح للكلية ولا لا

أحمد: والاختبارات دى امتى؟

هاشم: معرفش!!! بس ثواني وهعرفك...."ويخرج الهاتف من جيبه ويتكلم" ازيك يا دكتور وحشتنا ايامك والله أنت عامل إيه والاولاد بخير إن شاء الله "يسكت قليلا" الحمد لله ببسلموا عليك ابقى خرينا

الفخ

نشوفك "يسكت قليلا" إنشاء الله إنشاء الله بقول لحضرتك إيه يا دكتور هي اختبارات فنون جميله امتى اوكى تسلملى يا باشا خلينا نسمع صوتك بقى فى رعايه الله فى رعايه الله

أحمد: إيه امتى؟

هاشم: كمان يومين جهز نفسك بقى يا بطل

عادل: مين اللي كنت بتكلمه ده يا هاشم؟

هاشم: ده دكتور صاحبي فى اداره الجامعه يلا بقى عشان نفطر

عادل: ماشى هنجي وراك على طول

"يخرج هاشم من الغرفه"

مشهد ١٧

"بعد عده ايام نرى العائله جالسه امام التلفاز فى غرفه الصالون ويفتح باب الشقه ونرى احمد وهو داخل إلى غرفه الصالون وعلامات الحزن على وجهه فيكتم هاشم صوت التلفاز وينظرون اليه جميعا فى رعب ويرددون جميعهم جمله واحده إيه يا احمد عملت إيه"

أحمد: "بصوت مرتفع فرحا" اتقبلت فى الكلية والدراسه الاسبوع الجاي

الجميع: "مهللون" مبرووووووووك

"ويحتفلون به وبنجاحه"

مشهد ١٨

الفخ

"نرى انوار خافته في المنزل وهدوء تام دليلا على ان الوقت متاخر والجميع نائمون ونرى هاشم خارج من غرفته متجها إلى الحمام وبعد دخوله الحمام وقضاء حاجته وهو في طريقه إلى الغرفه مره اخرى يسمع صوت اقدام في الشقه التي تعلوه وينظر إلى الباب فيلاحظ ان الترابيس مفتوحه فيذهب ويفتح الباب وصعد إلى اعلى ونرى إن عادل يقوم بتنظيف الشقه"

هاشم: أنت بتعمل في ساعه زى دى؟

عادل: أنت شايفنى برقص باليه ؟!!!!.....بنضف الشقه

هاشم:قصدى بتنضفها دلوقتى ليه؟..... وبعدين هو فيه حاجه زعلتك من القعهه معانا

عادل: لا والله مفيش حاجه زعلتني بس أنت عارف إن دى الشقه اللي أنا اتجوزت فيها وبصراحه عاوز اعيد الذكريات واعمل مفاجاه لمراتى

هاشم: ماشى يا اخويا ربنا معاك "ويدير له ظهره في استعداد للنزول"

عادل: خد هناه أنت رايح فين

هاشم: نازل انام فيه حاجه!!!

عادل: تصدق انك راجل ندل بدل ما تمسكلك مقشه مساحه وتعمل معايا اى حاجه

هاشم: أنت عاوز تعمل مفاجاه لمراتك أنا مالى

عادل: انزل يا هاشم ومش عاوز اشوف وشك هنا تانى

هاشم: خلاص يا عم هو الواحد ميعرفش يهزر معاك شويه

"وياخذ مقشه وينظف مع اخوه وبعد مرور حوالى ثلاث ساعات ينتهون من التنظيف وينزلون إلى الشقه "

عادل: زى ما اتفقنى بقى

هاشم: متقلقش

"ويدخل كل منهم إلى غرفته"

"يرتدى هاشم وعادل ملابس الخروج ويفتحون باب الشقه وفى طريقهم للخروج"

فاتن: انتوا رايحين فين

هاشم: خارجين فيه مانع

فاتن: رايحين فين يعنى

هاشم: رايحين مشوار وراجعين آخر النهار

منى: "خارج من الغرفه" انتوا رايحين فين

عادل وهاشم: يووووووووووووووو

هاشم: "يشير إلى فاتن" ابقى احكيها بقى

"ويخرجان مسرعان"

منى: هو فيه إيه !!!!!!!!!!!!!!!

فاتن: والنبي ياختى معرف هو فيه إيه وبعدين يا خبر النهارده بفلوس بكره ببقى ببلاش

منى: على رايك

فاتن: سيبك منهم وتعالى نشوف الاخبار ونشوف الدنيا فيها إيه

"ويذهبون إلى غرفه الصالون حيث التلغاز وبعد جلوسهم بقليل ياتى أحمد"

أحمد: صباح الخير يا مرات عمى

فاتن: صباح النور يا حبيبي

أحمد: هو فين بابا وعمى

منى: والنبي يا ابنى ما اعرف خدوا بعضهم وخرجوا ومنعرفش هما رايحين فين

أحمد: "يخرج الهاتف من جيبه ويرن على احدهم فلا يرد ثم يرن على الاخر فلا يرد ايضا" محدش فيهم بيرد ربنا يستر "ساخرا"

أحمد: طيب أنا جعان هو مفيش اكل ولا إيه

فاتن: لا يا حبيبي هقوم اعملك الفطار دلوقتي

منى: "تقوم من على الكرسي" لا خليكى مرتاحه أنا هقوم احضر له الفطار

مشهد ٢٠

"يدخل هاشم الشقه في حدود الساعه التاسعه ليلا ويحمل في يده شيئا كأنه فستان"

هاشم: مساء الخير

فاتن: أنت إيه اللي اخرك لحد دلوقتي وايه اللي في ايدك ده

"يخرج احمد من غرفته"

احمد: إيه يا عمى امال فين بابا

هاشم: اهدى أنت دلوقتي وروح ناديلى امك

منى: "اتيه من المطبخ" ايوه أنا هنا فيه إيه فين عادل

هاشم: عادل بعثلك ده وبيقولك ادخلى البسيه

منى: طيب هو فين..... وايه ده؟

هاشم: انتى لسه هتسالى خلى امك تخلص يا احمد "ويغمز لأحمد مبتسما"

أحمد: "يأخذ الفستان من عمه ويعطيه لامه" البسيه يا ماما اما نشوف اخرتهم إيه

منى: "تاخذ الفستان وتدخل الغرفه"

أحمد: "يميل على عمه" عليا النعمه انتوا مجانيين

الفخ

هاشم: "ينظر إلى أحمد ويبتسم"

"تخرج منى من الغرفة وهي ترتدى فستان زفاف ويظهر الخجل على وجهها ثم نرى إن هاشم عند خروج منى التقط الهاتف ويرن على عادل وبعدها يدخل عادل إلى المنزل وهو يرتدى بدله زفاف"

عادل: مساء الخير يا جماعه "وينظر في اتجاه منى" مين الجميل ده

منى: "تتظر في الارض خجلا"

عادل: إيه يا هاشم فين منى يا عم

منى: اخص عليك يا عادل

عادل: الصوت ده طالع منين

منى: "بخجل" والله هزعل

عادل: إيه اللي عمل فيكى كده يا منى

منى: والله أنت رخم "وتدير ظهرها وتتجه إلى الغرفة"

عادل: "يمسك بمنى ويضع يده على كتفها" خلاص والله بهزر معاكى "ثم يضع يدها في يده وياخذها ويصعد بها إلى الشقه ومن خلفهم الجميع"

"يفتح عادل باب الشقه ويدخل ثم ينحنى لمنى"

عادل: اتفضلى حضرتك

منى: "تدخل ونرى على وجهها الذهول" إيه ده؟

عادل: كل سنه وانتى طيبه عيد جوزنا النهارده

منى: ده احلى عيد جواز في حياتى

عادل: "يشير إلى هاشم ويغمض عين منى"

هاشم: "يطفى الانوار فنرى الدنيا مظلمه وفجاءه تدخ تورته مليئه بالشموع تضى المكان مرسوم عليها صوره منى"

عادل: "يرفع يده عن عين منى وترتفع صوت الموسيقى الرومانسيه"

منى: "نراها سعيدة وتحضن عادل بحب"

"يأخذ هاشم زوجته وأحمد ويخرج من الشقة ونرى احمد وهو يشير إلى والده بالابهام ويكمل عادل و
منى احتفالهم ثم يرفع عادل منى على كلتا يده"

عادل: انتى واكله إيه النهارده يا منى

منى: فراخليه؟

عادل: دى فراخ بتشيل حديد "ضاحكا"

منى: أنت رخم نزلنى بقى

عادل: خلاص..... خلاص أنا اسف

"وياخذها ويدخل الغرفه ويطفى الانوار"

مشهد ٢١

"في الصباح احمد يقرع باب شقه والده"

عادل: "يفتح الباب" عاوز إيه يا ااض

أحمد: صباحيه مباركه يا عريس "ويزغزغ والده"

عادل: "يدفعه بعيدا عنه ضاحكا" يلا يا قليل الأدب غاوز إيه اخلص

أحمد: اه ما هو أنت م فاضيلى

عادل: والله لو منطقتش هقفل الباب وادخل واسيك واقف بره زى الفر المسلوخ

أحمد: خلاص.....خلاص عاوز ميت جنيه

عادل: ليه إنشاء الله !!!

الفخ

أحمد: عشان رايح الكلية واول يوم وكده

عادل: لما ببقى ميت جنينه في اول يوم امال بعد كده هتعمل فيا إيه

أحمد: عشان خاطر ي بقى يا بابا

عادل: يا بنى بابا إيه دا أنت تعمل منى اربعه

أحمد: خلاص يلا بقى يا حج ربنا يخليك لينا

عادل: امرى لله.....ثوانى "ويدخل إلى الشقه ثم يعود ويعطيه المائه جنينه"

أحمد: ربنا يخليك لينا

عادل: ماشى يا خويا ما هو ده اللي أنت فالح فيه..... خلى بالك من نفسك
"يذهب احمد ويدخل عادل ويغلق ورائه الباب"

مشهد ٢٢

"يدخل احمد من بوابه الكلية لاول مره ويلقى على الكلية نظرات هنا وهناك باحثا عن مبنى أو قسم الرسم حتى وجده فبدأ بالبحث عن الجدول حتى وجد الكثير من الناس امام احدى اللوحات الاعلانيه بالكلية فعلم انه الجدول فدخل في وسطهم ورئ الجدول وعلم إن عليه محاضره في احد القاعات بعد ربع ساعه فسال على رقم القاعه ودله عليها اقدمهم فذهب إلى القاعه وجلس في احد البنجات وكان البينج فارغا فجاء اقدمهم ويدعى حسام وساله"

حسام: فيه حد جنبك

أحمد: لا لا اتفضل

حسام: "يجلس بجواره" معلىش اذا كنت از عجتك

أحمد: لا ولا إزعاج ولا حاجه ده حقا تقعد في اى مكان عاوزه

حسام: والنبي أنت راجل ذوق عشان كده احب نبقى اصحاب "ويمد له يده" أنا حسام وانت

أحمد: "يسلم عليه" وأنا احمد

الفخ

حسام: طيب يضايقك اعرفك على اصحابى من ايام الثانويه وعلى فكره ناس محترمه جدا

أحمد: يشرفنى انى اتعرف بيهم طبعاً

حسام: "ينادى بصوت عالى" كيمو معنز "فينظر اليه بعض الشباب من آخر المدرج فيشير لهم بالمجئ فياتوا اليه"

حسام: بص يا سيدى ده كريم بنقوله كيمو دا بقى يا سيدى عبقرى في الالوان وتركيبها

أحمد: "يمد يده ويسلم عليه" تشرفنا

كريم: "يسلم على احمد ويبتسم"

حسام: ده بقى معنز عبقرى كراكيثير

معنز: تصدق يا حسام أنت عيل او فر

حسام: وده من إيه!!! "وينظر إلى احمد" البيه بيرسم في اليوم السابع

معنز: "يشير لحسام بصوابه الخمسه خوفا من الحسد"

أحمد: "يسلم على معنز" سعيد بمعرفتك

كريم: بالمناسبه دى إحنا عاملين الشله بتاعتنا عاملين حفله عشان اول يوم في الكلية ياريت تحضر "بوجه الكلام لأحمد"

أحمد: يشرفنى انى احضر طبعاً هي هتبقى فين

كريم: في كافيته على النيل وده رقمى عشان ابقى اطلع اجيبك من المكان اللي أنت فيه "وياخذ ورقه من الكشكول ويكتب رقمه ويعطيها لأحمد"

أحمد: قسطه

"في هذه الحظات يدخل الدكتور ويلقى التحية على الطلبة فيجلس الجميع"

الفخ

"بعد الانتهاء من المحاضرات وخروج الجميع وفى ساحه الكلية نرى أحمد واقف في الساحه مع حسام وكريم ومعترز"

أحمد: طيب هستاذن أنا بقى عشان لازم اروح

حسام: خلاص اوكى سلام

"ويمشى احمد من وسطهم"

كريم: "بصوت عالى" متنساش الساعه ٧

أحمد: مش ناسى بس نتقلش أنت تلفونك

كريم: اوكى هنستناك

معترز: وأنا كمان هستاذن

كريم: استنى خدنى معاك

حسام: هو أنا يعنى ابن البطه السوده استتوا جاى معاكوا

"ويغادروا الكلية ثلاثتهم"

مشهد ٢٤

"يدخل احمد إلى البيت في شقه عمه فيجد والده جالس امام التلفاز فيدخل ويجلس بجانبه"

عادل: إيه عملت إيه النهارده

أحمد: تمام..... اتعرفت على ناس جديده وعاملين حفله تعارف النهارده الساعه ٧

عادل: وكمان حفله ماشى ياسيدى ماشيه معاك حلاوة

أحمد: هقوم أنا بقى عشان اخد دش واطبط نفسى وانزل عشان متأخرش عشان الجيزه بتبقى زحمه بليل "ثم يقوم ويمشى في طريقه لغرفته"

عادل: وكمان لحقت تعرف إن الجيزه بتبقى زحمه بليل

أحمد: طبعا أنت فاكر إيه "وهو يمشى"

عادل: طيب خلى بالك من نفسك

أحمد: "وهو خارج غرفه الصالون" متقلقش عليا أنت مخلف راجل

مشهد ٢٥

"نرى أحمد خارج إلى الشارع الرئيسي وياخذ ميكروباص ثم بعد ذلك نراه وهو نازل في ميدان النهضه ويخرج الهاتف من جيبه ويتصل بكريم"

أحمد: ايوه يا كيمو أنا في النهضه دلوقتي أنت فين..... خلاص اوكى..... انا عند صور حديقه الحيوان.... سلام

"ينتظر احمد قليلا ثم يخذ سياره وقفت امامه وبها كريم"

كريم: اركب

أحمد: "يركب السيارة" عربيه مين دى ياااض

كريم: دى عربيه ابويا قلبتها منه وهو تايم

أحمد: شكلك هتاخذ العلقه التمام

كريم: ولا علقه ولا حاجه هو اصلا مش هيصحى قبل بكره

أحمد: ليه يعنى؟

كريم: بايت في الشغل من امبارح الصبح ولسه راجع فدخل ينام

أحمد: ليه هو شغال ايه؟

كريم: صحفى وبعدين بطل رعى وانزل... وصلنا

"يدخلون في الكافيه المقام فيه الحفل فيجد معتز وبعض الشباب والفتيات لا يعرفهم احمد فيدخل ويسلم على معتز"

"لم يكن حفلا صاخبا ولكن موسيقى الكافيه الهادئه العاديه ولكنه اخذوا جزئا من الكافيه وجلسوا فيه يتسامرون"

أحمد: طيب فين حسام

معتز: زمانه جای تعالی اعرفك "ویشیر علی الاشخاص ویقول اسمه وکلیته"

ده طارق کلیه تجاره وده فرید سیاسه و اقتصاد و دی منه علوم و دی هبه زمیله طارق تجاره وی
سلمی اعلام
"ویشیر الی احمد"
اما ده احمد فنون جمیله وده حسام وصل و معاه نهی

"یدخل حسام یسلم علی الشباب ونهی تسلّم علی البنات و عندما یسلم حسام علی احمد تدخل فتاه
جمیله محجبه تلفت نظر احمد لدرجه انه لا ینظر الی حسام وهو یسلم علیه مما یضطر حسام للنظر
ورائه "

حسام: "یشد علی ید احمد"

أحمد: إیه یا جدع مالک!!!!

حسام: أنت الی مالک؟

أحمد: مفیش یا عم

حسام: "یأخذ أحمد بعیدا عن الشباب بقلیل" بص یا سیدی دی نور

أحمد: ما هی لازم تبقى نور

حسام: "یشد علی یده" فوق یا حبیبی کله إلا دی

أحمد: کله إلا دی ازای یعنی؟!!!! أنت دماغك راحت فین

حسام: مرحتش یا عم بس قول اقولك و خلاص

أحمد: طیب یا عم قولى و خلاص کله إلا دی لیه؟

حسام: عشان هتصدقك وتسمعك كلام ما تحبش تسمعه

أحمد: خلاص یا عم ملیش دعوه بیها

حسام: ایوه کده یلا تعالی عشان نقعد مع الناس

"یذهبون الی الشباب ویکملون جلسه التعارف حتی النهایه و یذهب کل منهم الی بیته"

مشهد ٢٦

"يدخل احمد البيت ويدخل إلى شقه عمه فيجد جميع افراد العائلة امام التلفاز ابوه وامه وعمه وزوجه
عمه"

أحمد: مساء الخير

منى: اقوم احضرك العشاء

أحمد: لا استرحى اكلت مع اصحابى

"ويلاحظ تركيز الجميع على التلفاز فينظر اليه فيجدهم يعرضون فيديو ل احد الضباط وهو يقوم
بضرب احد المتهمين ويثبه"

أحمد: هو إيه ده

عادل: زى ما أنت شايف

أحمد: طيب إيه السبب

هاشم: من غير سبب "بحسره"

أحمد: ازاي يعنى من غير سبب

هاشم: يا بنى الناس دى معندهاش اخلاق ولا ضمير اللي زى ده البدله نستته انوا هيموت ويقابل ربنا

أحمد: بقولكوا إيه أنا مليش دعوه بالسياسه ولا بالكلام اللي انتوا بتقلوه أنا داخل انام أنا ورايا كليه
بكره

"ويدخل احمد إلى غرفته لينام"

مشهد ٢٧

"يذهب احمد إلى الكلية في اليوم التالى فيجد الجميع واقفون في ساحه الكلية وبينهم الفتاه التى كانت
في الحفله فيقف قليلا ينظر اليها من بعيد ثم يدخل يسلم على اصحابه"

الفخ

أحمد: صباح الفل يا شباب انتوا ايه اللي موقفكوا كده

كريم: أنت مشوفتش اللي اتذاع في التلفزيون انبارح من ظلم وقمع للحريات و.....

أحمد: "يقاطعه" و ايه يا عم هو أنت عشان ابوك صحفى وحافظ منه كلمتين هتيجى تطلعهم علينا

معتز: بس

أحمد: "يقاطعه" بس ايه أنا ماليش دعوه بالكلام ده

معتز: يا ابنى كان ممكن تكون أنت أو حد من عيلتك مكانهم

أحمد: "بعدم اهتمام" أنا داخل المدرج أنا مليش دعوه بالكلام بتاعكم ده
"ويتركهم احمد ويدخل المدرج وكان بالمدرج عدد قليل من الطلبة فيجلس ويبدأ في رسم الفتاه وبعد
دخوله بدقائق يدخل الجميع فينظر خلفه لينادى على اصدقائه فيجد الفتاه جالسه خلفه تماما فينظر
امامه ثم ينظر مره اخرى اليها طويلا ويقوم من على المقعد ويجلس على المسند وجها لوجه مع الفتاه
وياخذ كشكول الرسم على قدمه ويبدأ في الرسم وهى غير متنبهه"

أحمد: اثبتى بقى مش عارف ارسم

الفتاه وتدعى نور: وأنا مالى بيك دلوقتى حد كلمك

أحمد: لا أنا عدتهالك انبارح وعدتهالك النهارده الصبح انما مش هعديهالك دلوقتى

نور: هي ايه دى اللي مش هتعديهالى

أحمد: "يمد يده اليها" أنا احمد

"فيسمع صوت الدكتور وقد دخل"

نور: أنت فيه حاجه في دماغك

أحمد: "يضع صباعه على فمه اشارة إلى الصمت" انتى مش سامعه الدكتور دخل اشوفك في الكفتريا
بعد المحاضره "ثم يعتدل في جلسته مره اخرى ثم نرى نور وهى تبتسم ابتسامه خفيفه ثم تخفيها مره
اخرى"

الفخ

"يقف احمد على بوابه الكلية ينظر إلى الجميع وكأنه يبحث عن احدهم فيدخل عليه حسام"

حسام: أنت واقف هنا واحنا قلبين عليك الدنيا

أحمد: عاوزين إيه؟ "وهو لا ينظر اليه"

حسام: فيك إيه ياااااااض!!!!؟

أحمد: مفيش "وهو لا ينظر اليه"

حسام: بقولك كريم ومعتز مستنين عشان نروح سوا

أحمد: لا روحوا انتوا "وهو لا ينظر اليه"

"يرى احمد نور اتيه من بعيد"

أحمد: "ينظر إلى حسام ويضع احمد يده على كتف حسام" بعد اذنك بقى "ثم يتركه ويمشى

حسام: بعد اذننى الواد ده اتهدل ولا إيه "فينظر في اتجاهه فيجده يقترب من نور"

حسام: "في صدمه" لا... لا... لا... دا اتجنن رسمى

أحمد: "يقف امام نور ومعها اثنين من صديقاتها" أنا كنت عارف انك مش هتيجى عشان كده جيت
وقفت هنا

احدى صديقات نور: إيه الجنان ده؟

أحمد: بعد حضراتكوا هانتطروا تروحوا لوحكم عشان نور وراها مشوار مهم

نور: "واقفه مذهوله لا تنطق بكلمه"

"يأخذ أحمد نور من يدها من وسط صديقتها ويسير بها وهى من ذهولها تسير معه بلا مقاومه حتى
يصلوا إلى الكفتريا ويجلسون على طاولة ويأتى الجرسون"

الجرسون: تؤمروا بايه حضراتكم

أحمد: اظن في المواقف دى بيشربووا لمون "وينظر إلى نور" لمون صح؟ خلاص اتتين لمون

نور: "في دهشه" أنت عاوز إيه؟

الفخ

أحمد: "يمد يده اليها" أنا احمد

نور: "تمد يدها هي الاخرى وتسلم عليه" وأنا نور!!!!

أحمد: شوفتى سهله ازاي

نور: تصدق إن عمر محد فكر يعمل اللي أنت عملته ده وان حد فكر كنت بكرهوا في اليوم اللي فكر يعمل فيه كده بجد أنا مش عارفه أنا جيت معاك لحد هنا

أحمد: يمكن عشان أنا طيب وامى دعيالى

نور: "تبتسم ابتسامه خفيفه ثم تخفيها" وبعدين صحيح إيه الكلام اللي أنت قولته الصبح في ساحه الكلية عن الفيديوهات وان أنت ملكش.....

أحمد: "يقاطعها" بس بس هو ده وقت فيديوهات وكلام من ده انتى إيه

"في هذه اللحظه ينزل الليمون"

نور: معلش انفلتت بقى وكده "وتتنظر في الساعه" أنا لازم امشى دلوقتى

أحمد: طيب اشربى الليمون وبعدين امشى

نور: أنا أساسا مش بحب الليمون "وقد قامت من على الكرسي"

أحمد: طيب ثوانى "ويقطع ورقه من كشكوله ويكتب رقمه" خدى ده عشان لو أنا مجتث بكره ولا حاجه تظمنى عليا

نور: "تاخذ الورقه في خجل ثم تمشى مسرعه"

أحمد: "يجلس في ارتياح وهو مبتسم ويطلب الشيك ويحاسب ثم يذهب إلى المنزل"

مشهد ٢٩

"يدخل احمد المنزل وهو مبتسم"

أحمد: مساء الخير "ويجد امه في وجهه فيقبلها"

منى: مساء الفل يا حبيبي املك تتعدى

أحمد: لا مش جعان أنا داخل قوضتى زمش عاوز حد يدخل عليا "ودخل غرفته"

عادل: ماله ابنك منشكح كده ليه

منى: مش عارفه بس ربنا يسعده..... أنا نازله اقعد مع فائن

عادل: استنى أنا نازل معاكى

"في منزل نور نرى نور وهى تدخل المنزل ونرى ام نور جالسه امام التلفاز"

نور: "مبتسمه جدا" مساء الخير أنا جيت

ام نور: مالك يا بنت مبسوطه كده ليه

نور: ايه يا ماما انتى عاوزه تزعلينى ليه

والده نور: لا مش عاوزه ازعلك ولا حاجه يا رب تفضلى طول عمرك مبسوطه بس أنا بسأل عن الحاجه اللي خلت بنتى مبسوطه قوى كده

نور: مش اللي في دماغك خالص يا ماما هو كان يوم كويس في الكلية وخالص

والده نور: يارب كل ايامك تبقى جميله يابنتى وبعدين أنا مفيش حاجه في دماغك شوفتى انتى ديما ظلمانى

نور: ماشى يا ماما أنا داخله انام والنبي ماتصحينى

"ونرى كل من نور واحمد على سريريها ينظران في السقف وكل منهم يسرح في الاخر ونور تحتضن الورقه التى عليها رقم أحمد حتى يذهب كل منهم في النوم"

مشهد ٣٠

"تذهب نور إلى الكلية في اليوم التالي متاخره قليلا وتدخل إلى المدوَج مباشرة والدكتور قد بدأ بالشرح تدخل ثم تجلس ونجدها تدور بعينها في ارجاء المكان وكأنها تبحث عن شى ما وهذا الشئ هو احمد ولكنها لا تجده ولكننا نرى احمد في آخر صف محتبئ بين الشباب ويرتدى قبعه يخفى بها وجهه وبعد انتهاء المحاضره"

نور: "تسال حسام" أنت مشفتش أحمد النهارده

حسام: "بدهشه" لا مشوفتوش انتى عاوزاه ليه هو ضايك في حاجه

الفخ

نور: لا مضايقتيش ولا حاجه أنا كنت بظمن عليه اصلى مشفتوش النهارده خالص

حسام: "وعلامات التعجب على وجهه" لا مشوفتوش خالص النهارده

نور: أنا اسفه انى از عجتك..... سلام

"وتتصرف من امام حسام وتجلس وتعود لتجلس مكانها وتمسك بالهاتف وترن على رقم أحمد ولكن تفلق الخط في آخر لحظه قبل أن يرن وتقلها مرات عديده وهذا يدل على التردد والارتباك حتى تقرر الانصراف من الكلية"

نور: "خارج من بوابه الكلية وتسمع صوت ينادى"

الصوت: ايه النداله دى؟

نور: "تنظر خلفها وإذا به احمد" أنت كنت فين؟

أحمد: هو ده اللي اتفقنا عليه.....انك تكلميني لو مجتش الكلية

نور: اصلك بتستعبط فأنا كمان لازم استعبط "وتقترب من أحمد"

أحمد: يعنى أنا لو مجتش وكلمتك انتى مكنيتيش هتكلميني؟؟.....افرضى عملت حادثه او تعبت مش هتكلميني؟؟.....لا أنا زعلان

نور: "بلهفه" لا والله كنت هكلمك لما اروح

أحمد: ما هو واضح

نور: لا والله كنت هكلمك

أحمد: طيب انتى رايحه فين دلوقتى

نور: رايحه البيت

أحمد: انتى ساكنه فين

نور: في طلعت حرب

أحمد: يعنى في سكتى تسمحيلى اوصلك

نور: "ترتباك وتدخل الكلام ببعضه وتقول كلمات مش مفهومه"

أحمد: انتى لسه هتهتهى "ويشدها من يدها ويمشون"

"حتى يصلوا اسفل العماره التى تسكن بها نور"

نور: إحنا خلاص وصلنا دى العماره اللي أنا ساكنه فيها

أحمد: حمد الله على السلامه.....تسمحيلى بتلفونك

نور: اتفضل!!!

أحمد: "ياخذ الهاتف ويرن على رقمه" تسمحيلى ادى لتلفونى الشرف انوا يسجل رقمك

نور: ما أنت خلاص اخدته وعلى العموم اسمحك طبعاً

أحمد: استاذن بقى عشان تطلعى البيت

نور: اه صحيح أنت ساكن فين

أحمد: جنبك هنا في فيصل

نور: "بدهشه شديده" مين!!!! هو مش فيصل ده اللي في الجيزه!!!!!!؟؟؟

أحمد: اه هو اللي في الجيزه

نور: وايه اللي جابك لحد هنا!!!!؟

أحمد: "باستعباط وكأنه لا يفهم" بوصلك في طريقى

نور: طريق إيه يا مجنون؟ دا أنت في الشرق وأنا في الغرب

أحمد: بطلى كلام ويلا اطلعى ناميلك شويه قبل ما اروح واكلمك..... سلام

نور: سلام "وتدخل من بوابه العماره"

"ويذهب احمد في طريقه إلى بيته وهو في كامل سعادته"

"نرى احمد داخل غرفته ويبدل ملابس الخروج ثم ينام على السرير ويخرج هاتفه ويتصل بنور"

أحمد: الو...

نور: حمد الله على السلامه

أحمد: احلى حمد الله على السلامه سمعتها في حياتى

نور: "بكسوف" بطل بكش بقى

أحمد: هي دى الحقيقه صوتك احلى صوتسمعته في حياتى

نور: "بكسوف" طيب أنت عاوز منى إيه دلوقتى

أحمد: عاوز إيه يا واد يا احمد عاوز إيه ممممممم.....عاوز اقولك بحبك

نور: "بارتباك و فرح" إيه أنت قولت إيه أنت مجنون صح إيه اللي أنت بتقوله ده

أحمد: بقول بحبك قولت حاجه غلط أنا

نور: لا مقولتش حاجه غلط إنت علشان أنا كمان "وتسكت خجلا"

أحمد: انتى كمان إيه

نور: مفيش أنت عامل إيه دلوقتى؟

أحمد: أنا بحبك

نور: يووووووه بطل بقى "بكسوف"

أحمد: بحبك

نور: ماشى يا سيدى وأنا كمان "بعد صمت" بحبك ارتحت كدا

أحمد: اه ارتحت كدا بس انتى قولتى إيه اصل الشبكه بتقطع

نور: متبقاش رخم بقى

أحمد: "ضاحكا" خلاص خلاص

"ثم يتحدثان حتى ينام كليهما"

مشهد ٣٢

"بعد مرور عدة اسابيع نرى حفل توزيع جوائز معرض الرسومات الذى تقيمه الكلية ويفوز في هذا المعرض أحمد ومعتز"

"ينادى اسم أحمد عن رسوماته في الحضاره الاسلاميه والفرعونيه ويظهر وهو يستلم جائزته ثم ينادى على معتز عن رسوماته الكريكاتريه ونراه وهو يتسلم الجائزه"

"ثم نرى الاصدقاء واقفون خارج الحفل يحتفلون بأحمد ومعتز"
حسام: انتوا عرفتوا الامتحانات امتى

كريم: لا..... امتى؟

حسام: يوم ٨ يناير

كريم: اوبا يعنى خلاص لقد ازف الوقت كلها كام يوم

حسام: عشان كده أنا استاذنكم هاخذ حبيبتى نهى ونروح مكان رومانسى بقى وكده قبل ما ابدأ الاعتكاف مش كده برضوا يا حبيبي

نهى: طبعا أنت عاوز تعتكف من غير ما نخرج سوا دا أنا اموتك فيها دى

حسام: شوقتوا لازم استاذن بقى قبل ما اموت

أحمد: استنى يا حسام أنا كمان هستاذن معاك

معتز: يعنى كل واحد واخذ حبيبتيه وهتسيبونى لوحدى

حسام: معاك ربنا بقى يا ميزو.....وبعدين يا عم احمد طريقك غير طريقى اوفكوا بكره على خير

معتز: هضطر امشى أنا كمان عشان المفروض فيه رسومات لازم اسلمها الجرنال كمان ساعتين معملتش فيهم حاجه فهروح الجريده اشتغل يومك سعيد يا ابو حميد سلام "ويسلم على احمد ويمشى"

الفخ

حسام: هسالك سؤال وتجاوبنى عليه بكل بساطه..... هو لو حزب نجح في الانتخابات بنسبه ٩٩% تبقى الانتخابات دى ايه؟

أحمد: اكيد مزوره

حسام: اهو ده كان كلام معتز ووالد حسام إن انتخابات مجلس الشعب اللي المفروض بيوصل صوت الشعب للحكومہ مزوره ونسبه نجاح الحزب الوطنى ٩٩% بيقى عندنا حق ولا لأ

أحمد: عندكوا حق وأنا معاكوا "ومسك بيد نور وحسام ويبدأ بالهتاف معهم"

مشهد ٣٤

"في نفس الوقت نرى قوات الشرطه خارج الجامعه متجمعه في استعداد للمظاهره ولفضها عند الخروج من اسوار الجامعه لان في هذا الوقت منع الحرس الجامعى"

قائد القوات: "بصوت عالى وغلظ" لازم نستعد اول ما يخرجوا نهجم عليهم ونشق صفوفهم ونبدأ الضرب والقبض على اى حد ييجى في ادينا منهم

احد الضباط: "يقترب من القائد" حضرتك ممكن كلمه

القائد: اتفضل

الضابط: ليه سعادتك نبدأ إحنا بالعنف إحنا ممكن نتبعهم ونحميهم لحد ما يخلصوا مسيرتهم وهما هينفضوا لوحدهم

القائد: "ينظر اليه بعنف" أنت بتهزر دى اوامر ولازم تتنفذ العيال دى بتشتم فينا وخارجة مظاهره ضدنا أنت ناقص تقولى نوزع عليهم بونبونى ارجع مكانك ونفذ الاوامر

الضابط: أنا أسف سعادتك أنا مش هشارك في اذى واحد منهم لان ممكن يكون فيهم اخويا أو اختى لا دا اكيد فيهم اخويا واختى أنا بكرر اسفى لسعادتك

القائد: "ينظر اليه بعنف ويكلمه بصوت غلظ" أسف ااههههه سلم سلاحك يا حضرت الضابط أنت متحول للتحقيق

الضابط: "يخرج سلاحه" اتصل حضرتك "ويعطيه للقائد ويتركه ويمشى"

مشهد ٣٥

"خروج المظاهرة خارج اسوار الجامعه والالتحام بين الشرطه والطلبه وتبدأ الشرطه بالضرب والاعتقال ونرى احمد وقد اخذ ضربه على راسه افقدته الوعي وينزل الدم من راسه ويحاول احد المجندين الامساك به والقبض عليه فيهجم على المجند حسام وكريم ويشدوا احمد من يده ويحمله حسام على كتفه ويجرى به خارج المظاهرة وورائه كريم ونور ثم يوقفون تاكسى من الشارع ويذهبون به إلى احد المستشفيات ويتصلون بوالده من المستشفى ويأتى على الفور"

مشهد ٣٦

"يدخل والد أحمد وعمه ووالدته عليه في المستشفى والطبيب يقوم بخياطه رأسه"

منى: الف سلامه عليك يا حبيبي كان مالك أنت ومال المظاهرات والكلام ده

هاشم: مش قولتلك يا ابني ابعده عن الماس دى الناس دى معندهاش دين ولا عندهم قلب

حسام: ازاي الكلام ده.....

أحمد: "يقاطعه" حساااااام

حسام: "يشير له على فمه دليلا على التزام الصمت"

عادل: خلاص يا جماعه جت سليمه وبعدين يلا قوم يا بطل عشان هندی ليك مفاجاه

أحمد: مفاجاه إيه؟

عادل: اشتريت لك عربيه نص عمر كده عشان تروح بيها الكلية وبعدين فكوكوا بقى من المظاهرات والسياسه اليوميين دول عشان امتحاناتكم

كريم: استاذن أنا بقى يا جماعه أنا اتمنط عليك خلاص يا احمد اروح بقى اطمن على ابويا

عادل: ليه ماله والدك؟

أحمد: اصل ابوه حصفى ومحبوس في قضيه نشر

عادل: ما تقلقش أنا سمعت خبر إن صدر قرار جمهورى بخروج كل صحفى قبض عليه انبارح والنهارده من السجن لاحترام النيس لحرية الصحافه ... فمتقلقش زمانه طلع

الفخ

كريم: شكرا يا عمى بس برضوا لازم استاذن

عادل: اتفضل يا بنى وربنا معاك

"ويغادر كريم"

أحمد: اظن انك كمان لازم تروحي يا نور عشان امك متقلتش عليكى

نور: مش هسيبك لوحدك

عادل: لا يا بنتى أحمد عنده حق وبعدين هو كمان كلها نص ساعه وخارج وصلية يا منى

نور: حمد الله على سلامتک يا أحمد

"تاخذ منى نزر زيخرجوا من الغرفه"

عادل: حمد الله على سلامتک يا احمد "يقلد منى" يا حنين

أحمد: "بيتسم لوالده"

حسام: وأنا كمان لازم استاذن

عادل: "يوجه كلامه لحسام" تعبناك معانا يا بنى..... وبعدين متبقاش تنترفز إحنا عارفين إن عندكوا حق بس بنقول كده خوف عليكم

حسام: ولا تعب ولا حاجة يا عمى دا احمد زى اخويا بالضبط وبعدين أنا أسف لو صوتى كان على

عادل: لا يا حبيبي ولا يهملك بس اهم حاجة تركزوا في مذاكرتكم

حسام: حاضر..... تؤمرنى بحاجه يا عمى

عادل: لا يا حبيبي الامر لله بس ابقى طمنا عليك وعلى والد كريم

حسام: حاضر..... حمدا الله على سلامتک يا احمد اشوفك بقى في الكليةسلام

"ويخرج حسام فتدخل بعده منى"

منى: مش يلا بقى نروح

عادل: يلا

"يقوم هاشم وياخذ بيد أحمد ويخرجوا من المستقى ويركبون السيارة في طريقهم إلى المنزل"

مشهد ٣٧

"تدخل العائلة إلى شقه عادل ويدخلون احمد إلى غرفه أحمد ويأخذ والده كرسى ويجلس بجانبه"

عادل: انا هقولك كلام يا ريت تاخده على انى بخاف عليك ومنتساش ابدا انك ابني الوحيد

أحمد: من غير ما تقول أنا اى كلام بأخده منك على انه خوف عليا وده من حقاك

عادل: تمام ممكن تأكدلى انى لما اسافر هبقى سايب راجل ورايا ياخذ باله من نفسه وميعملش مشاكل ويحاول انه يبعد عن المشاكل

أحمد: أنت عندك شك في كده؟؟؟

عادل: أنا عاوز اسمعها منك وعد عليك

أحمد: وعد بس أنت بتقولى الكلام ده ليه دلوقتي؟

عادل: عشان أنا كلها حوالى ٣ اسابيع ومسافر أنا وامك

أحمد: ايه ده هي التذاكر طلعت؟؟؟

عادل: ايوه طلعت على يوم ٢٨ يناير

أحمد: تروحوا وتيجوا بالسلامه بس زى ما أنا وعدتك ممكن أنت كمان نوعدنى انك تيجى مصر كل سنه أنت مش عارف قد ايه البلد دى جميله وناسها طيبين

عادل: أنت هتدينى محاضره في حب مصر

أحمد: لا حاشى لله بس ده على سبيل وذكر بس اهم حاجه متهريش من الوعد

عادل: خلاص اللي أنت شايفه اوعدك حاضر ... اسبيك ترتاح بقى وتنام شويه وأنا هطلع اعد مع امك وعمك على فكره فارس ابن عمك جاى النهارده بليل في أجازة

أحمد: يعنى بتقولى الحق ناملك شويه حاضر يا سيدى

"يخرج عادل من الغرفه وياخذ احمد التلفون ليكلم نور يدخل عليه مره اخرى"

عادل: أنت مكبر الموضوع ليه يا عم هاشم الموضوع لحد دلوقتي تاس نازله تقول رائها ومفيش اى مشاكل وربنا ما يجيب مشاكل

مشهد ٣٩

"بعد خروج احمد من عند والده يتصل بنور"

أحمد: الو..... إيه الدوشه اللي حواليكى دى؟

نور: اصل أنا بصراحه في المظاهرات

أحمد: "صارخا في وجهها" مظاهرات إيه مين اللي سمحك بكده

نور: ما أنا اتصلت ببيك كذا مره وانت مردتش

أحمد: روحى دلوقتي

نور: عشان خاطرى يا أحمد

أحمد: بلا عشان خاطرى بلا نيله

نور: عشان خاطرى بقى متزعلنيش

أحمد: يوووووووه انتى ديما كده خلاص اوكى بس او عدينى انك هتخلى بالك من نفسك ولو حصل مشاكل هتبعدى عنها وهتروحي

نور: حاضر يلا سلام بقى

أحمد: بحبك سلام "ويغلق المكالمه"

مشهد ٤٠

"عند صلاه الفجر في يوم ٢٨ يناير يأخذ عادل وزوجته وابنه الحقائب ويضعوها في عربيه أحمد استعدادا منهم للسفر"

هاشم: "يحتضن عادل يودعه" كنت خليك للصبح في النور

عادل: ياسيدى كلها ساعه والنور يطلع وبعدين دا إحنا كده كمان متأخرين الطياره ميعاها ٩

فاتن: "تحتضن منى" والله أنت هتوحشيني وهتوحشنى قعدتك الحلوه

منى: وانتى كامن هتوحشيني أنا حسيت انك اكثر من اختى

"يركب عادل ومنى السيارة عادل بجوار السائق ومنى بالخلف ونرى أحمد يغلق شنطه السيارة ويتجه للقياده"

هاشم: خلى بالك من نفسك وسوق بعقل

أحمد: متخافش يا عمى

هاشم: تحبوا اجى معاكوا

عادل: لا ربنا يخليك خليك مع مراتك بس ادعيلنا نوصل بالسلامه

هاشم: توصلوا بالسلامه خلى بالك يا احمد من الطريق بالذات وانت راجع

أحمد: متقلقش يا عمى

عادل: السلام عليكم

هاشم: السلام عليكم

فاتن: "تشير بيدها مودعه لمنى وعادل"

"وتتطلق السيارة"

مشهد ٤١

"مدخل محافظه إسكندريه في تمام الساعه ٧ شلل مرورى تام حتى يبدأ السير في الطريق في تمام الساعه ٨:١٠ ولكن ببطئ شديد"

عادل: "ينظر في ساعته" إحنا كده الطياره فاتتنا رسمى

منى: طيب واحنا هنعمل إيه؟

عادل: العمل عمل ربنا إحنا هنروح المطار ونشوف لو فيه رحله تانيه ممكن نساfer عليها ولا إيه

"يوصلون السير حتى يصلوا إلى مطار برج العرب في تمام الساعة ١٠ ويدخلون إلى الجوازات مباشرة"

الموظف: "ينظر إلى جوازات السفر والتذاكر" والله أنا مش عارف اقولكم إيه بس الطياره طلعت من نص ساعه متأخره عن ميعادها نص ساعه

عادل: طيب مفيش اى رحله تانيه ممكن نحجز عليها

الموظف: هو بصراحه رحلتين في اليوم الرحله التانيه هتبقى الساعه ١١ مساءً وهيكون فيه فرق لازم يندفع

عادل: "باحباط" مش مشكله احجزلنا على الرحله دي

"وبعد اتمام اجرائات الحجز يذهب عادل واسرته وينتظرون في صاله الانتظار حتى الساعه ٩:٣٠ ثم سمعون في الاذاعه الداخليه للمطار بان الرحله اتلغت فيقررون العوده إلى الجيزه مره اخرى فيأخذون حقائبهم ويركبون السيارة في اتجاههم للجيزه ولكن هذه المره يقود احمد وبنام عادل ويبدلون سويا على عجله القيادة"

مشهد ٤٢

"يهز أحمد والده ويوقظه من نومه"

أحمد: اصحى يا بابا اصحى بسرعه
عادل: "يستيقظ من النوم" فيه إيه يا ابني

أحمد: بص كده

عادل: ابص فين "وينظر حوله" يا نهار اسود

"الكثير من الناس على الطريق مرتدين ملابس السجن ومنهم من يحمل السلاح"

عادل: هو فيه إيه هما بيصوروا فيلم؟!!!!

أحمد: فيلم إيه يا بابا هو ده منظر فيلم

عادل: خليك ماشى وإياك تقف لأي ظرف من الظروف

منى: "تستيقظ من النوم على عادل واحمد" أنت إيه اللي صحاك يا عادل؟؟..... هو إحنا وصلنا
فين؟؟

"ويسمع صوت اطلاق رصاص على السيارة وتبدأ منى باصريخ فيسرع احمد بالسياره بسرعه
شديده حتى يبتعد عنهم بمسافه كبيره"

عادل: انزل يا ابني أنا اللي هسوق

"فينزل احمد ويبدل المكان مع والده"

منى: هو فيه إيه؟..... هو محدش بيرد عليا ليه؟

عادل: إحنا زينا زيك والله منعرفش فيه إيه

منى: طيب إيه ده كمان

"نرى مجموعه من الناس واقفه على الطريق ويشيرون للسياره بالتوقف ولكنهم مدنين"

أحمد: دى شكلها لجنه

عادل: ربنا يستر "ويقترب من الناس الواقفه ويوقف السيارة امامهم فيتقدم إيه مجموعه من الشباب"

شاب ١: رخصك وبطايتكم

"يخرج احمد ومنى بطايتهم ويعطوها لعادل ثم يعطيها عادل للشاب"

شاب ٢: ممكن تفتحلنا الشنطه

"ينزل عادل من السيارة ويفتح له الشنطه ثم ينزل ورائه أحمد"

شاب ٢: الشنط دى فيها إيه "حقائب السفر"

الفخ

أحمد: فيها هدومنا

عادل: بص يا بنى إحنا كنا مسافرين بس الرحلات اتلغت فيها حاجه دى

شاب ٢: لا مفيهاش حاجه دى "ويغلق شنطه السيارة"

شاب ١: "يعطى لعادل الرخص والبطايق" إحنا متأسفين ممكن حضرتك تمشى

عادل: متشكرين

"وياخذ الرخص والبطايق ويركب السيارة هو وابنه وينطلقون"

منى: هو فيه إيه يا جماعه أنا مش فاهمه حاجه؟

عادل: مش عارف بس بالشكل ده اكيد البلد فيها مصيبه

منى: ربنا يستر

أحمد: "يخرج هاتفه من جيبه" يوووووووه هو فيه إيه بقى

عادل: فيه إيه ياااااض

أحمد: الشبكة لسه بايظنه

عادل: ما أنا مش عارف اكلم عمك اقوله إن إحنا راجعين

مشهد ٤٣

"على مشارف الجيزه وفى احد الشوارع يرى عادل مظاهره واقفه امام احد اقسام الشرطه"

أحمد: أنا هنزل اكلم حد يفتحنا الطريق عشان نعدى

منى: لا ما تنزلش

أحمد: ماتقلقيش

"وينزل من السيارة ويذهب ليكلم احد الواقفين فى المظاهره ليفتح لهم الحاجز الحديدى الذى وضعوه فى الطريق وفى وسط الحديث يبدأ سماع دوى اطلاق الرصاص فى كل مكان وإلقاء زجاجات

الفخ

الموتوف على قسم الشرطه وبعض الناس تحاول اقتحام القسم والناس تجرى في كل مكان كل هذا في ثواني قليله ونرى أن عادل اضطر للرجوع للخلف بالسياره مسافه بعيده بسبب سقوط زجاجه ملوتوف على السيارة وفي وسط كل هذا يجرى احمد من وسط الناس الذين احاطوه من كل جانب حتى يصل للسياره فيسمع صوت صراخ والدته حينها يستطيع الخروج من وسط الناس ويجرى في اتجاه السيارة ثم يقف لثواني من صدمه المنظر والده نائم على عجله القيادة ورصاصه اخترقت راسه وعند تحركه مره اخرى تجاه السيارة تسبقه رصاصه اخرى في تنك البنزين تسبب انفجار السيارة ويؤدي هذا الانفجار إلى القائه بعيدا واصتدامه في عمود اضائه ووقوعه مغشيا عليه "

مشهد ٤٤

"سيارات الاسعاف في كل مكان ترفع ضحايا الحادث بما فيهم أحمد يفتح احمد عينه ويرى والده ووالدته في السيارة وهي تحترق وعمال الإطفاء يحاولون اطفائها ثم يغلق عينه مره اخرى ونسمع صوت رجال الاسعاف وهم يقولون انه لسه عايش وانه تقريبا في غيبوبه ولازم نقله المستشفى بسرعه ثم تنطلق سياره الاسعاف"

مشهد ٤٥

"منزل نور ونزر جالسها هي وامها تتابعان الاخبار"

نور: "ممسكه بهاتفها وتحاول الاتصال باحمد ولكن دون فائده" يووووووووووه أنا زهت بقى

ام نور: فيه ايه يا بنت؟

نور: الشبكه مش راضيه تشتغل

ام نور: قلبك على حبيب القلب قوى

نور: متهزريش بقى يا ماما

ام نور: طيب كلميه على الارضى

نور: مش معايا غير رقم شقه عمه

ام نور: طيب وايه المشكله مش بتقولى انهم في بيت واحد المهم تتطمنى وخلص

نور: عنى انتى شايفه كده

ام نور: انتى قدامك حل غير كده

نور: "تفكر قليلا" لا

ام نور: خلاص يلا

مشهد ٤٦

"منزل هاشم جالس هو وزوجته يتابعون الاخبار وهاشم يحاول الاتصال بأحمد دون فائده"
فاتن: متقلقتش إن شاء الله خير تلاقى الطريق واقف ولا حاجه ولا وقف في اى حته عشان الحظر

هاشم: طيب ما تكلمش ليه من المكان اللي هو فيه

فاتن: يمكن المكان اللي هو فيه مفهوش تلفون ارضى

هاشم: أنا مش مطمئن

"يرن الهاتف الارضى ويقوم هاشم ليرد"

هاشم: الو مستشفى !!!! مستشفى إيه؟! لا لا مسافه السكه هكون عندكوا سلاااام

فاتن: هو فيه إيه؟

هاشم: الجماعه عملوا حادثه وهما في المستشفى وأنا رايح لهم

فاتن: أنا جايه معاك

هاشم: جايه معايا فين؟

فاتن: أنا مش هقعدي في البيت لوحدى ومش هسيبك تنزل لوحديك في ظروف زى دى

هاشم: طيب اخلصى البسى اى حاجه على بال ما اجيب المحفظه والفلوس

"تدخل فاتن وتبدل ملابسها بملابس سوداء وياخذ هاشم أشياءه وينزلون من المنزل وبعد خروجهم
بقليل يرن الهاتف مره اخرى"

مشهد ٤٧

"نور في منزلها وتضع سماعه الهاتف الارضى على اذنها"

نور: يوووووووه حتى على الارضى

ام نور: طيب حاولى تانى

نور: "تحاول مره اخرى ولكن دون فائده" محدش بيرد بروضوا

ام نور: يمكن ناموا الوقت اتأخر

نور: ربنا يستر أنا م مطمئه

ام نور: ادخلى يا بنتى نامي وان شاء الله خير

نور: انام هو أنا هعرف انام "وتقوم وتدخل غرفتها"

مشهد ٤٨

"يدخل هاشم وزوجته المستشفى وهناك الكثير من الحالات في الطوارئ ومازالت سيارات الاسعاف تاتى من كل الجهات يدخل هاشم إلى الاستقبال فلا يجد احد ليرد عليه يبدأ هو بالبحث هو وزوجته في كل ارجاء المستشفى كلا على حدا ثم يتقابلوا في المدخل بعد ساعه ويبدأ هاشم البحث حتى يجد اسم أحمد معلق على غرفه العنايه المركزه وحينها يخرج احد الاطباء من العنايه"

هاشم: "يمسك بيد الطبيب" بعد اذن حضرتك

الدكتور: اتفضل

هاشم: فيه واحد جوا اسمه أحمد عادل حالته عامله إيه

الدكتور: والله هو في غيبوبه كامله ولازم يدخل العمليات فوراً أنت تقريله حاجه

هاشم: ايوه أنا عمه

الدكتور: طيب ممكن تمضى عشان العمليه

هاشم: ممكن طبعا

الدكتور: طيب اتفضل معايا

"ياخذة الطبيب إلى المكتب ويخرج له الورق لكي يمضى عليه ويمضى هاشم على الورق"

الدكتور: هو أنت مريض ضغط أو سكر أو قلب

هاشم: "باستغراب" لا بعد اذنك يا دكتور هو مفيش حد جه مع الحاله؟

الدكتور: بعد اذنك تعالى معايا "وياخذ الدكتور هاشم معه إلى المشرحه"

هاشم: "ينظر إلى الطبيب باستغراب شديد"

الدكتور: عشان اكون صريح معاك فيه ٥ حالات وفاه جت في نفس الوقت اللي دخل فيه أحمد المستشفى ومن نفس مكان اصابه أحمد فممکن حضرتك تتعرف على حد فيهم

هاشم: "يقع في صدمه ولا يستطيع إلا هز رأسه بالموافقه"

"يدخل الطبيب ومن بعده هاشم إلى المشرحه"

الدكتور: عاوز انبه حضرتك إن فيه حالتين مصابين بحروق وحالتهم سيئه ودول هنسبهم للاخر

هاشم: اشهد إن لا اله إلا الله وان محمدا رسول الله

"يبدأ الطبيب بالكشف عن وجه الحاله الاولى ويهز هاشم راسه بلا ثم الثانيه والثالثه ويهز راسه بلا ثم الحاله الرابعه فيبعد نظره عنها ويجيب ويهز رأسه بنعم ثم الخامسه ويشير بنعم ايضا ويخرج من المشرحه ويبدأ بالبكاء"

الدكتور: شد حيلك وادعيلهم بالرحمه

هاشم: الشده على الله والله يرحمهم هما وكل اللي زيهم

الدكتور: أنا لازم استاذن ممكن توقيع حضرتك ورقمك عشان نتواصل

هاشم: "يوقع ويكتب رقمه"

الدكتور: حاجه اخيره استاذن حضرتك تيجي الصبح عشان نخلص الاجرائات وتستلم الجنمانين

"يهز هاشم برأسه موافق وهو يردد جملة لا حول ولا قوه إلا بالله ثم يتوجه الطبيب إلى عمله"

مشهد ٤٩

"بخرج هاشم إلى مدخل المستشفى والدموع تملأ عينيه وزوجته واقفه هي انتظاره وعندما تراه هاكذا
تبدأ بالبكاء هي الاخرى وتجري عليه سائله"

فاتن: هو مات؟

هاشم: "واضع وجهه في الارض ويشير براسه لا"

فاتن: "بحرقه" عادل ولا منى؟؟؟؟

هاشم: "يشير لها باصبعيه الاثنين"

"وتبدأ فاتن بالبكاء بحرقه مردده جمله لا اله الا الله فيأخذها هاشم ويجلسان على كراسى الانتظار"

هاشم: أنا لازم اقوم عشان اطمن على احمد في العمليات

فاتن: أنا جايه معاك

"ويذهبان ويجلسان على كراسى امام غرفه العمليات في انتظار اى شخص خارج من العمليات
ليسالوه عن احمد ولن يغلبهم النوم من كثره التعب"

مشهد ٥٠

"هاشم نائم وهو جالس ونائمه على كتفه فاتن ويأتى احد الاطباء الشباب ويوقظه"

الطبيب الشاب: "يهز هاشم"

هاشم: "يفتح عينيه"

الطبيب الشاب: حضرتك مستنى حاجه

هاشم: "بصوت هادئ" هي الساعه كام

الطبيب الشاب: ٨:١٠ الصبح

هاشم: "يكلم نفسه" يا نهار ابيض أنا نمت كل ده

الطبيب الشاب: نعم؟

هاشم: كان فيه حاله في العمليات الفجر

الطبيب الشاب: حاله انتقلت العناية المركزه "ثم يغادر الطبيب المكان"

هاشم: "يوقظ فائن من النوم" قومي خلينا نلحق وقتنا إحنا نمنا مكانا زى الخرفان

"يذهبان إلى الطبيب ليجرى هاشم باقى الاجرائات لاستلام ليستلم جثمان عادل ومنى ويطمئن على أحمد"

مشهد ٥١

"وقت صلاه الظهر تذهب نور إلى منزل احمد لتطمأن عليه وتترع الجرس مرات عديده ولكن لا يرد عليها أحد فتضطر للعودة مره اخرى وفي نهايه الشارع الذى تمشى فيه يوجد مسجد كبير"

نور: "ماشيه في طريقها للخروج على الشارع الرئيسى فتجد بعض الناس خارجه من المسجد وحامله نعشين فتقف جانبا حتى لا تدخل في وسطهم ولكنها ترى هاشم في وسط الناس حاملا احد النعوش فتجرى في وسط الناس وتخترق الصفوف حتى تصل اليه وتقف امامه وتبدأ في البكاء"

هاشم: "يضمها بين زراعيه وعينه تدمع" متخافيش هو كويس متخافيش

"ويأخذها من يدها ويخرجها من بين الرجال ويعطيها لفاتن فتأخذها فائن وتركب معها السيارة في طريقهم إلى المدافن"

مشهد ٥٢

"في المدافن وجميع الناس واقفه عند المدفن إلا نور واقفه بعيدا سنده على احد السيارات والدموع في عينها"

"تنفض الناس بعد الدفن مباشرتا"

هاشم: "ياتى إلى نور" يلا يا بنتى عشان نمشى

الفخ

نور: عمو هو فين أحمد مجاش الدفنه ليه
هاشم: أحمد تعبان في المستشفى وحننا هنروح دلوقتى نطمئن عليه..... يلا اركبى يلا يا فاتن

"ويركبون السيارة وينطلقونالى المستشفى"

مشهد ٥٣

"نور جالسو بجوار احمد في المستشفى"

نور: أحمد يا أحمد هو مييردش عليا ليه

هاشم: "يضع يده على كتفها" مش أنا قولتلك انوا في غيبوبه ادعيله

نور: "وهى تبكى" يااااا رب

"تدخل الممرضه"

الممرضه: يلا يا جماعه الزياره انتهت

هاشم: "يمسك زراع نور" يلا يا بنتى

نور: لا والنبي يا عمو سبنى معاه شويه كمان

هاشم: هنيجي تانى مش هنسيبه بس هو لازم يرتاح

"وتقوم نور معه وهى تبكى وتتنظر إلى أحمد حتى يغلق هاشم الباب ورائه وهو خارج"

مشهد ٥٤

"نرى الجميع ياتى إلى أحمد ليزوره عمه واصدقائه ونور ووالده نور في ايام كثيره تقريبا لمدته شهر"

مشهد ٥٥

"نور ممسكه بيد أحمد ونائمه وواضعه راسها علي يده"

الفخ

نور: فوق بقى ابوس ادريك بجد كلنا تعبانين من غيرك أنت مش عارف أنا بتعذب اد إيه وأنا شايفاك كده

أحمد: "يفتح عينه وينظر إليها وهى تتكلم"

نور: "ترفع راسها من على يده وهى تقول" أنا لازم امشى بقى "وتنظر إلى احمد فتجده وقد فتح عينه فتقف مصدومه"

أحمد: "يبتسم لها بتعب"

نور: "مهله" يا عمى هاشم يا حسام يا جماعه

"يدخل الجميع مزعورين"

هاشم: فيه إيه يا بنتى

"وينظر إلى احمد ويجده قد فاق فيرتبك لا يعرف إما ينادى على الطبيب أو يحتضنه"

هاشم: "يشير إلى احمد" خليك زى ما إنت على بال ما انادى للكطور واجيلك

"ونرى الفرحة عارمه على وجه الجميع في عزفه أحمد"

أحمد: هو فين "ويختنق صوته" بابا ومام..... "فيتذكر ما حدث ويبدأ في الصراخ والبكاء"

نور: "تجرى عليه لتهدأه ولكن دون فائده"

"حينها يدخل الدكتور ويبدأ بالبحث في ادراج الغرفه حتى يخرج حقنه ويعطيها لأحمد"

الدكتور: "بعد الانتهاء من اعطائه الحقنه" اتفضلوا بعد اذنكم يا جماعه

"يهدأ أحمد وبنام ولكنه يبدأ بترديد بابا ماما وحيات امى ما أنا سايبكم"

"يخرج الجميع من الغرفه ويلتفون حول الطبيب"

الدكتور: ماتلقوش يا جماعه دى اشاره كويسه جدا بإذن الله لما يفوق هيبقى أحسن إنشاء الله فانتم تقدروا تستاذنوا دلوقتى لان وجودكم مش هيعمل حاجه

"ويتركهم الدكتور ويمشى ثم يبدأ الجميع بالخروج من المستشفى وعلى وجههم الحزن والأسى"

مشهد ٥٦

"في اليوم التالي تقف نور امام غرفه أحمد مستعده للدخول فتجد الدكتور خارج من عنده"

نور: بعد اذن حضرتك هو عامل إيه؟

الدكتور: الحمد لله احسن بكثير بس لو حضرتك تقدرى تقنعيه انه لازم يفضل هنا كام يوم
كمان يبقى احسن

نور: الف شكر يا دكتور و هحاول اقنعه

"تدخل نور إلى الغرفه فتجد احمد جالس على السرير وفى يده المصحف وقرأ القرآن"

أحمد: اتفضلى

نور: أنت عامل إيه دلوقتى؟

أحمد: "بحزن" الحمد لله

نور: طيب إيه بقى الكلام اللي أنا سمعاه ده

أحمد: ملكيش دعوه انتى بالموضوع ده أنا هخرج النهارده يعنى هخرج وهروح المدافن كمان اذا
كان عاجب

هاشم: "يدخل في هذه اللحظه" ازيك يا بنتى والنبي عقليه

نور: ما أنا بقوله بس هو متمسك برأيه

أحمد: "بعصبيه" بقولكوا إيه أنا خارج يعنى خارج مفيش حد هيوقف قدامى

هاشم: يا بنى بلاش عند

نور: والنبي يا احمد اسمع كلام عمك

أحمد: "بعصبيه" طيب إيه رايكم أنا خارج دلوقتى حالا

"وينزل من على سريريه ويتجه إلى غرفه طبيبه ويدخل عليه الغرفه ونلاحض انه لا يستطيع الوقوف
عل قدمه جيدا"

أحمد: "بعصبيه وصوت مرتفع يوجه كلامه للطبيب" أنا هخرج النهارده يعنى هخرج لا أنا هخرج دلوتى حالا

"يدخل اثنين من الممرضين ليخرجوا احمد من غرفه الطبيب ولكن يشير لهم الطبيب بالخروج فيخرجوا"

الدكتور: اتفضل اقعد يا ابنى أنا مقدر الحاله اللي أنت فيها بس أنا بتكلم في مصلحتك عندك ده مش هينفعك بحاجه

أحمد: "بصوت هادئ" أنا لازم اخرج أنا مش طايق نفسى عاوز ارواح ازورهم أنا لما اخرج هبقى كويس وحيات اغلى حاجه عندك يا دكتور أنا لازم اخرج "ويبدأ بالبكاء"

الدكتور: "يقوم ويأخذ كرسي ويجلس بجوار احمد ويضع يده على كتف احمد" خلاص اوك بس نتفق على اتفاق

أحمد: اللي أنت عاوزه بس اخرج

الدكتور: لازم تمشى على النظام والادويه اللي هكتبك عليها في مواعيدها

أحمد: اكيد متفقين

الدكتور: ولو حسيت باى حاجه تكلمنى وتسجى على المستشفى على طول

أحمد: متفقين

الدكتور: وتسجى كل يومين اتابع حالتك

أحمد: كل نص ساعه لو عاوز

الدكتور: لا مش للدرجه دى أنا هكتبك على خروج بس زى ما اتفقنا

أحمد: زى ما اتفقنا

"يكتب له الطبيب على خروج ويذهب ويفتح دولابه الخاص ويخرج منه عصى"

الدكتور: خد دى عشان تتسند عليها وانت ماشى هديه منى ليك

أحمد: "يأخذها من الدكتور" الف شكر يا دكتور أنا مش عارف اودى جميلك ده فين

الفخ

الدكتور: "ضاحكا" ارميه البحر يلا عشان ماتتأخرش عن مشوارك

"يخرج احمد من عنك الدكتور ومن المستشفى كلها"

مشهد ٥٧

"احمد واقف على باب قبر والديه وهاشم ونور يقفان بعيدا"

أحمد: "بحسره" والله لازم اجيب حقكم مش هسيب اللي عمل كده عمى كان عنده حق لما قال عليهم معندهم اخلاق ولا دين لازم الناس دى تتحاكم ربنا موجود مش هيسضع حقنا

"وينهى احمد وقفته ثم يذهب إلى عمه ويركب السيارة دون الكلام مع احد فيركب عمه ونور ولا يتحدث احد طوال الطريق حتى يوصل هاشم نور إلى منزلها وتنزل من السيارة"

نور: حمد الله على السلامه يا احمد..... خلى بالك من نفسك وابقى كلمنى

أحمد: "ينظر إليها ولكن لا يرد وكانه في حاله صدمه"

نور: أنت برضوا مش هترد أنت من ساعه ما خرجنا من المستشفى وانت منتقطش بكلمه واحده

هاشم: خلاص يا بنتى سيبه براحتة

نور: حاضر يا عمى سلام يا احمد "وتصعد إلى منزلها"

"يصل احمد إلى المنزل يصعد إلى شقه والده دون إن يكلم احد ويغلق ورائه الباب ويدخل غرفتهم وينام على سريرهم"

مشهد ٥٨

"يستيقظ احمد على صوت اذان المغرب ويقوم ليتوضأ ثم ينزل للصلاه وبعد انتهاء صلاه المغرب يجلس احمد في المسجد ويقرأ القرآن حتى صلاه العشاء فيقوم ويصلى العشاء ويجلس قليلا في

المسجد ثم يذهب إلى المنزل فيجد عمه واقف امام شقته"

هاشم: ما تيجى يا احمد تبات معانا

أحمد: لا أنا عاوز ابقى لوحدى

هاشم: طيب تعالى كل معانا لقمه

أحمد: لا مليش نفس بالهنا والشفا

"ويصعد إلى شقه والده ويترك عمه واقفا وعند دخوله إلى الشقه ينظر في الهاتف فيجد أنا نور اتصلت به عدة مرات ولكنه يعلق الهاتف ويذهب في نوم عميق"

مشهد ٥٩

"في شقه هاشم يرن هاتفه الارضى"

هاشم: "يرد" الو..... ايوه يا بنتى

نور: "في الناحيه الاخرى" أنا اسفه يا عمى انى از عجتك في وقت زى ده

هاشم: لا يا بنتى انتى تتصلى في اى وقت

نور: هو احمد عامل إيه؟

هاشم: بصراحه مش كويس نايم من ساعه ما رجعنا وما أكلش حاجه خالص

نور: وبعدين إحنا لازم نعمل حاجه

هاشم: هنعمل إيه العمل عمل ربنا

نور: طيب بعد اذن حضرتك أنا ممكن اجى اكلمه بكره

هاشم: تشرفى يا بنتى في اى وقت ده بيتك

نور: ربنا يخليك يا عمى استاذن أنا سلام عليكم

هاشم: وعليكم السلام

مشهد ٦٠

"يدخل هاشم إلى شقه أحمد ومعه نور وهى تجلس في الصالون وهو يدخل إلى غرفة أحمد ليعلمه بقومها"

الفخ

هاشم: فيه ضيف مستنيك بره
أحمد: ضيف مين؟

هاشم: تعالى شوف بنفسك

أحمد: "يخرج من الغرفة وينظر إلى نور" اهلا وسهلا اتفضلى

نور: تصدق انك رخم هو اللي بينا اهلا وسهلا واتفضلى

أحمد: رخم شكرا لزوقك

نور: أنا اسفه مكنتش قاصده از علك وبعدين أنا جايه اقولك أنت هتفضل في اللي أنت فيه ده
لحد امتى أنت مش بتبص لنفسك في المرايه إيه دفنك دى وليه قلبه الاكل أنت خسيت النص حرام
عليك نفسك يا اخى

"في وسط كلامها يسمع اذان الظهر"

أحمد: أنا لازم اقوم عشان الحق الظهر جماعه خدى راحتك البيت بيتك

"يخرج من البيت ويترك نور وعمه في الشقه"

هاشم: قولتلك مفيش فايده

نور: معلش يا عمى لازم استأذن

هاشم: أنا جاى اوصلك

"ويخرجان من الشقه ويغلق هاشم الباب ورائه"

مشهد ٦١

"احمد في المسجد يؤدى كل الصلوات ويقرأ القرآن كل يوم على مدار عدة ايام وفى احد هذه الايام
وهو جالس يقرأ القرآن بين المغرب والعشاء يأتى اليه جاسر وهو شاب عادى جدا في شكله"

جاسر: تسمحلى اقعد معاك؟

أحمد: اتفضل خير

الفخ

جاسر: أنا بشوفك كل يوم في المسجد وملتزم ما شاء الله

أحمد: وبعدين؟

جاسر: وبعدين أنا شايفك مخنوق تعبان قولت اجى اتكلم معاك وافك عنك

أحمد: بمناسبة إيه؟

جاسر: بمناسبة من نفس عن مومن كربه في الدنيا نفس الله عنه الله كربه من كرب يوم القيامة
أحمد: لا متشكرين

جاسر: أنت هتبخل عليا بالجنه

"يسمع اذان العشاء"

جاسر: يلا نصلى وبعد الصلاة نكمل كلمنا

"ويقومون للصلاه وبعد انتهاء الصلاة"

جاسر: حرما

أحمد: جمعا إنشاء الله

جاسر: بص يا سيدى بكل بساطه اللي أنا عاوز اقولهواك إن مهما حصلك ده امر ربنا ولازم نرضى
بيه يعنى خدنى ليك مثل أنا ابويا وامى منفصلين وابويا اتجوز وسافر السعوديه وامى اتجوزت واحد
اماراتى وكل واحد في طريق وأنا في طريق لوحدى خالص وقاعد في شقته طويلا عريضة لوحدى

أحمد: على الاقل ابوك وامك عايشين

جاسر: والله عايشين زى مش عايشين أنا مشوفتش واحد فيهم من ٥ سنين بس اهو أنا بعمل اللي عليه
وبكلمهم عشان مكنش عاق بيهم

أحمد: كلنا في الهوا سوا

جاسر: عشان كده بقولك إن ده امر ربنا وبعدين أنا رايح بكره درس لشيخ كبير من شيوخنا تيجى
معايا بكره

أحمد: امتى؟

جاسر بعد صلاة العشاء

الفخ

أحمد: هشوف

جاسر: مش هتشفوف أنت هتيجي اهو تسمع كلمتيك ينفعوك هستناك بكره

أحمد: ماشى

"ويسلمان على بعضهم ويذهب كل في طريقه"

مشهد ٦٢

"في اليوم التالى بعد صلاه العشاء"

جاسر: "يسلم على احمد" ايه جاي
أحمد: مش عارف والله

جاسر: يبقى جاي..... يلا مش هتندم

أحمد: "بيتسم ابتسامه يتخللها الحزن" ماشى يا سيدى يلا

"ويخرجان من المسجد ويذهبون إلى مكان الدرس"

مشهد ٦٣

"يدخل أحمد وجاسر في عماره كبيره ويدخلان شقه في الدور الارضى وترى الكثير من الناس
جالسه على الارض في انتصار الشيخ يدخل أحمد وجاسر ويجلسون في وسط الناس وينتظرون قليلا
حتى خرج الشيخ من احد الرف وجلس على كرسيه ليلقى الدرس"

الشيخ: السلام عليكم

الجميع: وعليكم السلام ورحمه الله وبركاته

الشيخ: متأسف على التأخير ولكن كان هذا لظروف طارئه أنا ارى اليوم وجوه جديده في اجتماعنا
ادعو الله إن يكونوا فاتحه خير علينا وعلى جماعتنا نبدأ اليوم حديثنا بفاتحه الكتاب "ويقرأ سورة
الفاتحه" حديثنا اليوم اخوانى عن الدوله الاسلاميه تعريفها انها الدوله التى يقام فيها شرع الله من
كتابه وسنه رسوله إن يأخذ كل فرد في الدوله حقه أنا اعلم يقينا إن عددا من الجالسين لهم حقوق

مهذوره وقد ظلموا في اطار هذه الدوله حلمنا وحلم جماعتنا نشر الاسلام وتعريف الناس بدينهم ونشر الاسلام مره اخرى في ارجاء الوطن واقامه الدوله الاسلاميه نحن في هذه الايام نمر بالكثير من الصعاب وخرق لقيمنا الاسلاميه كيف نرى من قتل الثوار حر طليق في الشوارع يجوبها يمينا ويسارا الم يقل لنا الاسلام من قتل يقتل وكيف نرى من سرقوا اموال الشعب يتمتعون بها ولم تقتص الحكومه منهم إلا نعرف إن ديننا امرنا بقطع يد السارق والا اخرها من حدود الله التي لا تطبق على ارض هذه البلد الشريفة بسبب تعنت مجموعه من الكفره ارى الآن وجوه تسالني من سمح لك بتكفيرهم أقول لكم إن الله هو من امرني بتكفيرهم لان كل من يمنع امر من امور الله أو فرض من فروضه أو سنه من سنن نبي الله فهو كافر لأنه يخالف شريعه الله عز وجل اى حد عنده سؤال يتفضل يسأل

أحمد: "يرفع يده مع العديد من الناس"

الشيخ: طيب اسمحولي اخذ سؤال الاخ الجديد "ويشير إلى احمد"

أحمد: حضرتك قولت من قتل يقتل طيب اللي قتل الثوار زى حضرتك ما قولت إحنا عارفينهم فلازم نقتص للشهجاه بانفسنا لوجود تعنت من الحكومه

الشيخ: رأيك صحيح ولكن ليس الآن هناك عده محاولات مننا في اول الامر عن طريق جماعتنا ولهذا ندعوا الناس للانضمام الينا

أحمد: جماعه ايه وازاي بتسعوا لكده

الشيخ: إحنا جماعه الاخوان المسلمين وبنسعى لكده عن طريق خوضنا الانتخابات لمجلس الشعب والرئاسه ونتمكن من مؤسسات البلد ونطبق شرع الله نريد دعمكم لكي نصل إلى هذه المكانه ونطبق شرع الله

"ويبدأ الجميع في طرح اسئلته ثم ينتهي الدرس وتنفض الناس من المكان"

مشهد ٦٤

"يمشى أحمد وجاسر في الشارع"

أحمد: قولى يا جاسر هي جماعتكم بتدعوا لإيه

جاسر: اهم حاجه توحيد الله ونشر الإسلام

أحمد: مشر الإسلام ازاي على ما اظن إن إحنا في بلد مسلمه

الفخ

جاسر: إحنا في بلد دخلها الاسلام بس الناس بعدت عنه و نسيته عشان كده عاوزين نرجع الامه الاسلاميه تانى بان مصر تبقى دوله اسلاميه واطن إن محدش يكره الاسلام ويحارب وجود دوله اسلاميه إلا اذا كان كافر

أحمد: أو مش فاهم

جاسر: أو مش فاهم..... واحنا دورنا نفهمه

أحمد: طيب واللي عاوز يدخل الجماعه يعمل إيه؟

جاسر: ولا حاجه يحضر الاجتماعات زى اللي إحنا كنا فيها بانتظام و يدخل الحزب واهم حاجه طاعه ولى الامر

أحمد: مين هو ولى الامر؟

جاسر: بص يا سيدى ولى الامر بتاعنا هو المرشد واللي بيدى اومره وتعليماته للاقل منه للاقل لحد ما توصلنا

أحمد: طيب ازاي كده الامر في ايده لوحده؟

جاسر: لا طبعا فيه مجلس شورى الجماعه من باب وشاورهم في الامر وهما ناس علماء كبار يتفقوا في امر ما يصدره باسمهم المرشد

أحمد: ااااه

جاسر: أنا اخرى معاك هنا

أحمد: ليه هو أنت مش من المنطقه عندنا

جاسر: لا مش من المنطقه بس المسجد ده مكان لتجمع بعض الاخوه فساعات كثير بكون عندكم في المنطقه

أحمد: خلاص اوك سلام اشوفك بكره عشان نتكلم شويه

جاسر: السلام عليكم

"يمشى جاسر واحمد كل إلى منزله"

مشهد ٦٥

الفخ

"يحضر احمد كل الدروس والاجتماعات مع جاسر ويقوم بعمل اشتراك في الحزب ويدعوا الناس إلى عمل اشتراكات في الحزب وبدأ في النزول إلى الشارع مع الجماعه في المجموعات الخدميه التي هي هدفها الاول الدعايه للحزب وللجماعه وفي احد الايام وهو راجع من احد مؤتمرات الحزب قابله عمه في ولكن كان جالس في شقه والده امام باب الشقه مباشرتا لدرجه إن احمد رعب عندما دخل الشقه"

هاشم: نورت يا باشا

أحمد: السلام عليكم

هاشم: وعليكم السلام يا سيدى ممكن تقولى أنت كنت فين لحد بعد نص الليله

أحمد: يعنى هي اول مره؟

هاشم: ماهى مش عشان اول مره أنا عاوز اعرف أنت بتروح فين

أحمد: لو ده يريح حضرتك أنا كنت في مؤتمر الحزب عشان الانتخابات

هاشم: اه إحنا كل يوم هنروح الحزب والدروس والخطب ونسلم نفسنا للناس دى

أحمد: مالهم الناس دى

هاشم: مش كويسين ناس خاينه طول عمرها

أحمد: اتقى ربنا يا عمى واستغفره

هاشم: وبعدين أنت مش بتروح الكلية ليه؟

أحمد: أنا مأجل السنه دى عشان فيه امتحانات مدخلتهاش بسبب الحادثه والسنه كده ضايعه

هاشم: طيب واصحابك ليه مش بتكلمهم

أحمد: معلى مشغول شويه هبقى اكلهم

هاشم: طيب مش بترد على نور ليه ممكن افهم دى كمان

أحمد: هي بتكلمك؟

هاشم: ايوه يا سيدى بتكلمنى كل يوم تتظمن عليك عشان أنت مش بترد عليها ممكن افهم مش بترد عليها ليه

الفخ

أحمد: لما تبقى تكلمك ابقى قولها انى هرد عليها في اليوم اللي اقدر انى اتجوز فيه وهيبى عشان اروح انتقدم

هاشم: تتجوز و تتقدم أنت فيه حاجه في دماغك يا بنى؟

أحمد: لا أنا في وعى و عارف أنا بقول إيه بس الموضوع وما فيه انى بخاف من ربنا

هاشم: تخاف من ربنا هو أنا بقولك اعصى ربنا؟

أحمد: ايوه

هاشم: طيب إيه رأيك مفيش نزول من البيت عشان خاطر تبطل تقعد مع الناس اللي أنت بتقعد معاها دى

أحمد: أنت بتمنعنى انى اخدم الاسلام

هاشم: اعوز بالله اخدمه بس بعيد عنهم ولو نزلت من البيت و عرفت انك رocht مكان من الاماكن اللي ببيقوا فيها مش هتدخل البيت ده ابدأ لحد اما ترتجع عن الطريق ده

أحمد: ده بيت ابويا مش هتمنعنى انى ادخله

هاشم: لما تثبت انوا بيت ابوك ابقى اتكلم

أحمد: أنت كده بتمنع اوامر ربنا استغفر ربنا يا عمى

هاشم: لا أنا بحافظ على ابن اخويا من الفخ اللي هيقع نفسه فيه

أحمد: وبتقول على طريق ربنا فخ لا أنا مش قاعد في البيت ده ثانيه واحده

"ويدخل احمد إلى غرفته ويللم اشياءه ويخرج بحقيبته من الغرفة"

هاشم: أنت مش خارج من هنا

أحمد: لا خارج ومش راجع تانى

"يحاول هاشم منعه ولكن يدفعه احمد بعيدا ويخرج"

مشهد ٦٦

"يمشى احمد في الشارع ويخرج هاتفه ويكلم جاسر"

أحمد: الو..... أنت فين؟ خلاص أنا جايلك..... لا مفيش لما اجيلك ابقى احكيلك سلام
سلام

مشهد ٦٧

"احمد يقرع جرس شقه جاسر ويفتح له جاسر"
جاسر: اتفضل

"ويدخلان ويجلسان"

جاسر: خير..... إيه اللي حصل؟

أحمد: اتخانقت مع عمى لانه بيمنعنى انى انزل مع الجماعه وقعد يشتم في الجماعه وكده

جاسر: ولا يهملك أنت منورنى

أحمد: معلىش هتقل عليك كام يوم لحد ما اشوف هعمل إيه

جاسر: أنت بتهزر كام يوم إيه أنت فاكر انى هسيبك أنت هتقعد معايا هنا على طول

أحمد: لا يا عم أنا مش عاوز اتقل عليك

جاسر: يا ابنى أنا قاعد هنا لوحدى وانت جيتلى من السما عشان تقعج معايا ونسلى وحدث بعض
واهو تيجى تشتغل معايا ونروح ونيجى سوا

أحمد: اشتغل إيه بقى

جاسر: أنا شغال كاشير في سوبر ماركت واحد من رجاله الجماعه الكبار وعاوزين كاشير كمان أنت
تيجى تشتغل معايا إيه رايك

أحمد: على بركة الله

الفخ

جاسر: يلا بقى عشان ننام عشان نروح الشغل بكره

أحمد: يلا أنا اصلا هموت وانام

"ويدخلان وينامان"

مشهد ٦٨

"في الصباح يذهب أحمد وجاسر إلى السوبر ماركت ويدخل جاسر إلى مكتب المدير وهو صاحب المكان وينتظره احمد على باب المكتب"

جاسر: السلام عليكم

المدير ويدعى حسن: و عليكم السلام إيه يا جاسر خير؟

جاسر: خير إن شاء الله أنا معايا واحد صاحبي بره عاوز يشتغل في وظيفه الكاشير

حسن: ما أنت عارف يا جاسر اني مش بشغل اى حد

جاسر: عيب يا أستاذ حسن أنا مش هجيبلك اى حد ده معنا في الحزب وانشاء الله هيبقى في الجماعه

حسن: هو مش في الجماعه

جاسر: هو فاكر انوا بقى في الجماعه وبعدين هو فيه حد بيدخل الجماعه إلا لما يعدى على حضرتك

حسن: على بركه الله بس ده في وشك أنت

جاسر: إنشاء الله هيبيض وشى

حسن: خلاص يستلم الشغل دلوقتى لو حب

جاسر: متشكرين لحضرتك سلام عليكم "ويخرج من المكتب"

أحمد: إيه؟

الفخ

مشهد ٧٠

"في منزل هاشم جالس امام التلفاز يتابع بيان الرئاسة بيان عزل النائب العام"

هاشم: لا حول ولا قوة إلا بالله الناس دى هتعمل فينا إيه تانى يا ترى أنت فين يا احمد يا ابنى

فاتن: أنت بتكلم نفسك يا راجل

هاشم: هو أنا بس اللي بكلم نفسى الاخوان خلو مصر كلها ماشيه تكلم نفسها

فاتن: ربنا ينتقم منهم زى ما بوظوا البلد وخربوها

هاشم: ربنا يسمع منك

مشهد ٧١

"الناس في الشوارع تطالب باسقاط البيان المكبل"

مشهد ٧٢

"جاسر وأحمد نائمان في شقه جاسر ويرن هاتف جاسر فيرد جاسر على هاتفه"

جاسر: ايوه يا أستاذ حسن ليه خير إيه اللي حصل ما طول عمرهم بينزلوا
خلاص مسافه السكه

أحمد: "يستيقظ من النوم" فيه إيه يا ابنى

جاسر: كويس انك صحيت يلا قوم البس عشان هنروح الحزب

أحمد: الحزب الساعة ٣ الفجر

جاسر: اخلص بطل رعى

أحمد: خلاص يا عم متزوقش

"في مقر الحزب بالجيزه نرى حسن ومجموعه من الشباب في مقر الحزب ويدخل عليهم أحمد وجاسر"

حسن: انتوا إيه اللي اخركم

جاسر: معلش على بال ما صحينا

حسن: طيب اقعديا واسمعوا كلكوا كويس الكلام اللي أنا هقوله

"يجلس جاسر واحمد"

حسن: انتوا عارفين طبعا إن فيه ناس معتصمه عند قصر الرئاسة والرئيس مش عارف يدخل يشوف شغله وأنا جالى اتصالى من القيادات بتقولى إن الشرطه رافضه تفرض الاعتصام

احد الشباب: طيب واحنا مطلوب منا إيه؟

حسن: إحنا هننزل نفرض الاعتصام ده بالقوه وهنبقى مجموعات من كل مكان في العاصمه وانتوا هتبقوا مجموعتى

جاسر: مجموعات ازاي يعنى؟

حسن: هو أنت لسه تلميذ يا جاسر

جاسر: لا يا باشا أنا بسال عشان اللي مش فاهم يفهم

حسن: يعنى انتوا مجموعته وأنا القائد المكلف بقيادتكم ولازم تسمعوا كلامى في كل حاجه أنا بقولها عشان اليوم يعدى زى ما القيادات عاوزه تمام كده كله فهم

الجميع: تمام

حسن: إحنا هنييت هنا وهننزل لما تيجلنا الاشاره

الفخ

"اقتحام الاخوان للاعتصام وفضه واشتباكات بين الجماعه والشعب واختجاز الجماعه لبعض الافراد وتعذيبهم وانتشار بعض الصور على التلفاز"

مشهد ٧٥

"هاشم جالس هو وزوجته يشاهدون عنف الاخوان ولقطات التعذيب"

هاشم: لا حول ولا قوه إلا بالله الناس دى متعرفش ربنا

فاتن: ليهم يوم إنشاء الله

"يتابعون الاحداث"

فاتن: يا لهوى مش ده احمد ابن اخوك

هاشم: فين ده؟

فاتن: واقف هناك اهو وبيضر الرجل ده

هاشم: "يقوم من على الكرسي ويقرب من التلفاز وينظر" ايوه هو ليه كده يا احمد حرام عليك يا ابنى

فاتن: حسبى الله ونعم الوكيل

هاشم: لا حول ولا قوه إلا بالله ربنا يهديك يا ابنى

فاتن: انزل هاتوا يا هاشم

هاشم: انزل فين الصور دى بتتعرض بقالها ساعه يعنى اكيد مش هناك دلوقتى

فاتن: طيب بلغ البوليس

هاشم: انتى اتجننتى ابلغ عن ابن اخويا

فاتن: طيب نعمل إيه دلوقتى؟

هاشم: العمل عمل ربنا {انك لا تهدى من احببت ولكن الله يهدى من يشاء}

الفخ

مشهد ٧٦

"في مقر الحزب في اليوم التالي"

حسن: الله ينور يا شباب هما دول شباب الاسلام

أحمد: ممكن سؤال؟

حسن: اتفضل

أحمد: إحنا هنعمل إيه بالنسبة للفيديوهات اللي اتنشرت دى

حسن: ولا حاجة مفيش حاجة حصلت اصلا محدش هيقدر يفتح بؤه بكلمه معانا

أحمد: ازاي

حسن: لا ازاي دى بتاعتنا اهم حاجة تروحوا وتناموا وما تخرجوا من البيت لمدى اسبوع وكل حاجة هتبقى تمام ماشى

أحمد: ماشى

حسن: يلا وابقوا عدوا على السوبر ماركت خدوا اللي يكفيكوا طول الاسبوع عشان حتى ما تنزلوش تجيبوا حاجة من تحت والحساب عندي

"يخرج أحمد وجاسر من الحزب إلى السوبر ماركت ثم إلى البيت"

مشهد ٧٧

"يجلس أحمد وجاسر يتحدثان في غرفه نومهم"

أحمد: هو إحنا هنفضل كده كثير

جاسر: بإذن الله ربنا معانا وهينصرنا على اعداء الدين عملاء اسرائيل

أحمد: طيب وهنتصرف ازاي مع الناس اللي نازله وبتقول تمرد

جاسر: أنت بتسال الاسأله دى محسنى انك عييط

أحمد: لا بستعبط بسلى نفسى بالكلام أنا عارف طبعا إن دول شويه عيال وم شويه ورق هيقوع رئيس منتخب من الشعب ولو حصل ده إحنا هنقف ضده

جاسر: لا والله وبتسالنى أنا دا أنا اللي المفروض اسالك

أحمد: اهو بسلى نفسى وأنا قاعد بدل الزهق اللي إحنا فيه ده

جاسر: "يرميه بالمخده" طيب نام عشان ورانا شغل بكره

أحمد: أنا مش جايلى نوم أنا طالع اتفرج على التلفزيون

جاسر: اطلع ومتجيش هنا تانى روح نام في اوضتك

أحمد: لا كاتم على نفسك وقاعد على قلبك ولو مش عاجبك روح أنت الاوضه التانيه

جاسر: لا يا عم عجبني أنا اقدر اتكلم "ويتثائب" ممكن انام بقى

أحمد: نام نامت عليك حيطه و أنا كمان هنام

مشهد ٧٨

"نزول جماعه الاخوان المسلمين إلى ميدان رابعه العدويه يوم ٦/٢٤ ضد دعوه تمرد للنزول ل ٦/٣٠ ووجود أحمد وجاسر في قلب الميدان وفي خيمه خاصه بهم وبعض الشباب التابع للاستاذ حسن وتمر الايام وهم في الاعتصام وفي احد الايام ياتى اليهم حسن وهذا اليوم قبل يوم ٣٠ بيوم واحد"

حسن: "ينادى من خارج الخيمه" أحمد جاسر

"يرد عليه كليهما ويخرجان"

أحمد: خير؟

حسن: انتوا عارفين أنا بعزكم قد ايه وانتوا شباب مؤمن بحق

الفخ

جاسر: إحنا في خدمه الاسلام

حسن: عشان كده أنا عاوزكم في خدمه

أحمد: زى ما قال جاسر إحنا في خدمه الاسلام

حسن: طيب تعالوا الاول نطلع من هنا وفى السكه هشر حلكم كل حاجه

"يخرجان معه خارج الاعتصام ويركبان سيارته وتنطلق السيارة"

حسن: أنا عارف انك يا احمد كنت في فنون جميله قبل ما تحول ادا ب و عارف انك عبقرى في الرسم

أحمد: الحمد لله

حسن: تمام فيه شقه في قريه في الجيزه منطقتنا واخدين فيها بيت لواحد من رجالتنا عاملين فيه لجان الكتر وئيه وده اللي أنا عاوزه منك يا جاسر

جاسر: أنا مش فاهم؟

أحمد: ولا أنا؟

حسن: هفهمكم فيه اجهزه كمبيوتر متصله بالنت عشان نوصل الرأى اللي إحنا عاوزينه عن طريق شبابنا وكل واحد بيبقى ليه كذا بريد الكتر وئى فنقدر ننشر رأينا ووجهات نظرنا بسرعه واقناع

أحمد: طيب دى وفهمناها إيه بقى علاقته بالرسم؟

حسن: لا ده موضوع تانى خالص إحنا عاوزينك يا ابو حميد مع مجموعته من الاخوه هتعملولنا ورق مضروب نقدر ندخل بيه ناس من حبايبنا من بره عشان يدعمونا

أحمد: طيب ما رجاله حماس كده كده بيدخلوا من الانفاق

حسن: مش لازم حماس حماس وغيرها إحنا حبايبنا كتير

أحمد: ربنا يزيد ويبارك

مشهد ٧٩

الفخ

"يصلوا إلى المنزل والمنزل عبارته عن ثلاثه ادوار نعرف فيما بعد إن الدور الاول مختص بالتزوير والثاني مختص بالجان الالكتروني والثالث قال لهم حسن انه مغلق وحظرهم من الصعود اليه"

"يصعد أحمد وجاسر للدور الثاني ومعهم حسن"

حسن: "يدخل الشقه ومعهم احمد وجاسر" يا شيخ محمد

"ونرى في الشقه الكثير من الشباب كل شاب جالس ومعهم لآب توب يعمل عليه"

الشيخ محمد: "رجل ملتحي يلبس جلباب وكبير في السن إلى حد ما" مرحب يا أستاذ حسن

حسن: خذ الشاب ده معاك وفهمه الشغل وفهمه يعمل إيه ده تبعي أنا

الشيخ محمد: "ضاحكا" أنا مش بقبل الوسطه بس هاتوا امرى لله

حسن: هههههه اشوفك على خير يا شيخنا "وينزل هو وأحمد ويدخلان الشقه في الارضى"

"ونرى العديد من الرجال كل رجل له كرسي وطاوله جالس عليها ويعمل في مجموعه من الورق"

حسن: يا ابو ناصر

ابو ناصر: "رجل قصير القامه من حركه حماس" منورنا يا أستاذ

حسن: مش منوركوا كثير أنا جاي اسلمك الامانه اللي أنا قولتلك عليها وماشى على طول

ابو ناصر: في عينى يا أستاذ اتفضل يا ابو الشباب

حسن: استأذن أنا بقى لو احتجت اى حاجه يا احمد أنت أو جاسر كلمونى وأنا هكون عندكوا

الفخ

ابو ناصر: بس يا احمد الموضوع سهل جدا كل اللي أنت هتعمله إننا هنديك كام توقيع هتقلدهم على الورق اللي هتاخده

أحمد: سهل جدا أنا يا ما قلدت توقيعات اهل اصحابى وأنا صغير في المدرسه

ابو ناصر: كويس قوى يعنى نقدر نبتدى الشغل

أحمد: حالا لو تحب

"ويبدأ أحمد وجاسر في العمل لصالح الجماعه"

مشهد ٨٠

"قيام ثوره ٣٠ يونيو وغزل محمد مرسى واقامه خارطه الطريق ويطلب الشيخ محمد الاجتماع بجميع من في المنزل وعند حضور الجميع بما فيهم أحمد وجاسر"

الشيخ محمد: تعرفون جميعا إن ما حدث اليوم حادث جلل قام به اعداء الاسلام واعداء الدوله الاسلاميه ولا يجب علينا الوقوف ساكتين يجب علينا بل هو فرض علينا محاربه هؤلاء والوقوف امام اعداء الاسلام بكل ما اتينا من قوه

"هنا ينزل أحمد وجاسر من الدور الثانى إلى الدور الاول وكان هناك عدد ٦ من الرجال في الدور الاول"

جاسر: السلام عليكم

احد الرجال ويدعى خالد: انتوا سيبتوا الاجتماع ليه

أحمد: مفيش عارفين الكلام ده كله انتوا بقى محضرتوش ليه اصلا يا اخ خالد

خالد: زيكوا برضوا وهنحارب لحد الموت في سبيل اعاده الدوله واخذ حقوقنا

جاسر: طيب ما تيجوا نقعد نحكى لبعض ظروفنا على بال ما الاجتماع يخلص اهو لعلها تكون صحبه خير

الفخ

"ويسحب كل واحد كرسيه ويجلسون على طاولة واحده ولكن يتفاجؤا بكركه غريبه في الخارج
فينظر احد الرجال فاذا بهم رجال الشرطه فيقوم بقرع جهاز الانذار ويبدأ اطلاق الرصاص من الدور
الثالث على رجال الشرطه"

خالد: هي الناس دي ورايا ورايا ارواح منهم فين

جاسر: أنت لسه هتندب يلا

"ويجرى الجميع إلى آخر الشقه ويوجد بها شباك يطل على الزراعات مباشرتا فيقفذ الجميع منه
ويتسللون في الزراعات حتى خرجوا من المكان تماما"

أحمد: هنعمل إيه دلوقتي؟

جاسر: لازم نكلم أستاذ حسن "ويخرج هاتفه من جيبه ويتصل و يجد الهاتف مغلق"

أحمد: هو ده اللي ناقص

احد الرجال ويدعى ابو يوسف: أنا عندي فكره

خالد: قول يا اخ يوسف

يوسف: إحنا نحاول نوصل لحد ميدان النهضه وأنا اعرف واحد هناك يقدر يدبرلنا خيمه

جاسر: صح بس النهضه مش امان

يوسف: طيب صح ازاي

جاسر: إحنا هنروح اعتصامنا بس في رابعه رابعه اكثر امان

"يذهبون إلى رابعه ويبقوا هناك طوال شهر رمضان يعيشون حياتهم"

مشهد ٨١

"فض اعتصام رابعه ونرى خالد واحمد يمسون اسلحه ويضربون في اتجاه القوات المكلفه بفض
الاعتصام"

أحمد: أنت بتستخدم السلاح كويس اتعلمت ده فين

خالد: أنا في جماعه جيش الاسلام واتدربت على السلاح في غزه مع حركة حماس

جاسر: "خائفًا" تصدقوا انكروا معندموش دم عمالين تتكلموا وضرب النار شغال في كل حته
أحمد: خليك راجل متبقاش زي العيال الصغيره إيه يا خالد تيجي نشوف مين اللي هيكسب

جاسر: "صارخا" انتوا مجانيين هيكسب فين إحنا لازم نمشى حالا

أحمد: نمشى نروح فين أنت مجنون

جاسر: هنروح كرداسه الجماعات بتاعتنا كلها هناك

أحمد: أنا قصدي هنخرج ازاي من وسط الدب ده

خالد: سيبوا الموضوع ده عليا

أحمد: هتعمل إيه يا ابو العريف

خالد: هنتسلل من وسط المباني دي ونخرج من اي منطقه مفيهاش ضرب و كاننا مدنين عاديين

أحمد: أنت بتهزر صح المناطق اللي حوالينا دي كلها مناطق جيش

جاسر: أنت عيل كئيب هنحاول يا اخي اهو بيبقى عندنا فرصه بدل ما نستنى هنا ونموت

"وبالفعل يتسللون من وسط المباني ويخرجون إلى احد الشوارع الهادئه ولكن ينادى عليهم احد الضباط الواقفين في المكان"

الضابط: انتوا مين وبتعملوا هنا إيه

"يرتبك جاسر ولكن يتكلم احمد بسرعه"

أحمد: إحنا صحافه ومعانا تصاريح

الضابط: ممكن اشوف ورقكم

أحمد: "يخرج بعض الورق من جيبه ويعطيه للضابط" ده ورقى أنا وزمائي

الضابط: "ينظر في الورق" اتفضلوا إحنا اسفين بس انتوا عارفين الظروف الامنيه

جاسر: "بعد اخذ نفس عميق" ولا يهملك يا باشا تحت امرك

"ويمشون جميعا"

جاسر: "يمسك بيد أحمد" أنت عملت كده ازاي

أحمد: ولا حاجه لما كنا في الشقه عملت كام تصريح حقوق انسان على صحافه على شويه حاجات
تانيه عشان تساعدنا

خالد: هههههههههه أنا قولت خلاص روحنا في داهيه بس طلعت الداهيه شخصيا معانا

"ويضحك الجميع وهم في طريقهم لكرداسه"

مشهد ٨٢

"يصلون كرداسه ولكنهم لا يعرفون احدا ليجلسوا عنده والمكان خالي تماما ويتصلون بحسن ولكن
هاتفه مقفل فياتي اليهم احد الاشخاص"

الشخص: انتوا مين وايه اللي جابكوا هنا؟

خالد: إحنا على باب الله

الشخص: كلنا على باب الله انتوا على اي باب

خالد: إحنا على الباب الرابع "ويشير له بيده علامه رابعه"
الشخص: اتفضلوا نتأكد

"ويمشون وراء الرجل وينظر جاسر واحمد إلى خالد ياستغرب حتى يدخلون إلى احد البيوت ونرى
رجل جالس وظهره للباب ونرى ايضا عدد من الشباب في البيت ويقترب الشخص ويميل على اذن
الرجل ويكلمه فيقوم الرجل ويستدير"

أحمد: ابو صابر!!!!!!

"ونرى إن الرجل هو ابو صابر الذي كان في شقه التي هجمت عليها الشرطه"

ابو صابر: اهلا ببيكم يا شباب

أحمد: هي مش الشقه!!!؟؟

ابو صابر: أنت مستغرب ليه زي ما انتوا هنا أنا كمان هنا كلوا مقدر ومكتوب

أحمد: الحمد لله

ابو صابر: خدوا راحتكم على بال ما ادبر لكم غرفه تقعدوا فيها

"ويجلسون ويذهب ابو صابر ليدير لهم غرفه"

مشهد ٨٣

"ياتى ابو صابر وياخذهم إلى احد الغرف هي غرفه مظلمه دهاناتها متساقطه من فعل الرطوبه
فيتفاجؤا بوجود يوسف في الغرفه"

أحمد: أنت إيه اللي جابك هنا

ابو صابر: قابلنا بعض في اعتصام النهضه وجينا على هنا سوا

يوسف: اتفضلوا عاش من شافكم

ابو صابر: استاذن عشان اسبيكم براحتكم

"يدخل الجميع الغرفه ويسلمون على يوسف ويجلسون سويا"

جاسر: أنا عندي سؤال عاوز حد فيكم يجاوبنى عليه

أحمد: مش عاوزين نسمع منك حاجه حد فيكم عاوز يسمع منه حاجه

خالد و يوسف: لا

جاسر: لا هتسوعونى غصب عنكم

أحمد: خلاص امرنا لله صاحبنا برضه قول يا سيدى

جاسر: هو اللي إحنا بنعمله ده صح ولا غلط

أحمد: أنا قولت الواد ده ميفتحش بؤه

جاسر: أنا مش بهزر أنا بتكلم جد

خالد: طبعا صح

جاسر: ليه؟

خالد: لانك بتدافع عن دينك

يوسف: ايه العلاقة بين الدين وبين اللي إحنا بنعمله

أحمد: دى احلوت قوى هو أنت معاه يا يوسف

يوسف: بقولك ايه يا احمد راجع نفسك وشوف أنت قتلت كام واحد ملوش ذنب وتقولى دين هو الدين امرنا بكده

أحمد: "بعصبيه" يعنى كان ذنبهم ايه اهلى انهم يموتوا كده الناس اللي بتموت وملهاش ذنب دى إحنا بنقدملهم خدمه

جاسر: خدمه ايه إنشاء الله؟

خالد: خدمه الشهاده بيكونوا شهداء

يوسف: واحنا قتله

أحمد: انتوا شكلكوا اتجننتم انتوا لازم يطبق عليكم حد الرده

خالد: اهدى يا احمد هما اكيد اعصابهم تعبانه من اللي حاصل

أحمد: لا ملهمش حق

جاسر: مليش الحق انى افهم

خالد: بص يا جاسر قال على ابن طالب رضى الله عنه فيما معناه {لو استخدمت عقلك في امور الدين لمسحت على باطن الخف وليس الوجه}

يوسف: يعنى ايه؟

خالد: يعنى أنت لما بتمسح على خفك في الوضوء بتمسح عليه فين؟

يوسف: على وجهه

خالد: بتعمل كده ليه؟

يوسف: لان الرسول قال كده

خالد: تمام من العقل بقى انى امسح على اكثر منطقه معرضه للنجاسه وهو باطن الخف وليس الوجه
بس أنت عملت اللي امرك بيه الرسول

جاسر: طيب وده إيه علاقته بالكلام اللي إحنا بنتكلم فيه

خالد: بص يا سيدى أنت امرت انك تحافظ على الاسلام وانك ترد المنكر {من رأى منك منكر
فليغيره بيده}

جاسر: طيب والناس اللي ملهاش ذنب أنا معاك إن الجيش والشرطه فعلوا المنكرات ومنعوا
دوله الاسلام والى اخره

خالد: فيه مقوله لشيوخنا بتقول ما لا يتم الواجب إلا به فهو واجب فالناس دى شهداء في
سبيل عقاب الظالمين

أحمد: تمام كل كلامك صح

خالد: ياريت منتكلمش في الموضوع ده تانى

جاسر: اعزرونى يا جماعه يمكن أنا اعصابى تعبانه شويه

يوسف: وأنا كمان متأسف

أحمد: ولا يهتمكم يا شباب كل ابن ادم خطاء

خالد: يلا تصبحوا على خير

أحمد: وأنا كمان هقوم انام

"ويقوم الجميع للنوم"

مشهد ٨٣

"نرى يوسف واقف وراء الحائط ويستمع إلى حديث يدور بين قياداتهم"

احد القاده: أنا جالى معلومه مؤكده إن الشرطه هتهجم علينا الفجر

الفخ

ابو صابر: طيب وبعدين

رجل آخر: إحنا لازم نمشى من هنا حالا

ابو صابر: طيب والناس اللي معانا

الرجل: سيبك من الكلام ده إحنا لازم نهرب أنا شخصيا رايح غزه ومن غزه لقطر
ابو صابر: أنا مش همشى غير والناس معايا

قائد آخر: أنت مصدق نفسك كده ليه سيبهم يموتوا ولا يروحوا في داهيه إحنا مالنا

ابو صابر: أنا مليش مكان وسطكم أنا ماشى

"يجرى يوسف بعيدا لان ابو صابر اتى في اتجاهه"

ابو صابر: "رائ يوسف ولكنه لا يعلم انه سمعهم فينادى عليه" يوسف

يوسف: "وقف مكانه" ايوه يا ابو صابر

ابو صابر: روح صحى اصحابك واهربو دلوقتي حالا على العريش وروحوا لواحد اسمه ابو انس
قولوله انكوا جايين من طرفى وهو عارف خالد خدوه معاكوا

يوسف: حاضر..... بس أنت هتروح فين

ابو صابر: مش عارف بس هراجع مواقى الاول قبل ما اعمل اى حاجه يلا روح أنت
لسه هنا مفيش وقت

مشهد ٨٤

"يدخل يوسف الغرفه ويقترّب من سرير جاسر"

يوسف: اصحى يا جاسر

جاسر: "بصوت نائم" فيه ايه يا خالد

يوسف: أنا مش خالد بس اصحى إحنا لازم نمشى كلنا من هنا قبل الشرطه ما تيجى

جاسر: "بصوت عالى" مين يا حبيبي بوليس تانى هما ورايا ورايا

"يستيقظ خالد وأحمد"

أحمد: هو فيه إيه أنت بتزعق ليه

خالد: أنا سامعه بيقول بوليس هو الناس دي مستقصدانى ولا إيه دول بقالهم ٢٠ سنه كل مروح مكان القيهم فيه

يوسف: إحنا لسه هتندب يلا بسرعه لازم نروح العريش

أحمد: العريش!!!!!!

يوسف: أيوه هو ده اللي قاله ليا ابو صابر

خالد: قالك هنروح لمين؟

يوسف: قالى ابو انس وانك تعرفه

خالد: الله اكبر والله الحمد

أحمد: فيه إيه يا خالد؟

خالد: ابو انس ده اكبر مجاهد اسلامى في جيش الاسلام مرتبته هي نفس مرتبت ايمن الطواهرى وأنا كنت معاه في غزه لفتره

يوسف: أنت هتكيلوا تاريخك الاسلامى كله خرينا نخلص وبعدين ابقوا حكوا براحتكم

"ويمشون جميعا من المكان متسللين إلى الزراعات..... ولكن يطلق عليهم الرصاص ثم يسمعون تبادل اطلاق نار وهم يفرون هاربين ولكن يصاب يوسف ويقع ارضا فيعود له أحمد"

أحمد: قوم معايا "ويرفعه عن الارض"

يوسف: روح أنت ومتعشب نفسك بس نصيحه منى افنكر الكلام اللي إحنا قولناه اول يوم لينا في المكان ده

أحمد: مش هسيبك

"خالد وجاسر واقفان بعيدا"

خالد: يلا يا أحمد

يوسف: اسمع كلامه بس ماتتساش تفكر في اللي قولتلك عليه يلا روح "ويدفعه بعيدا"
"ويجرى احمد تاركا يوسف في ظهره ويجرى امامه خالد وجاسر ومازال اطلاق الرصاص ولكن
ليس في اتجاههم"

مشهد ٨٥

"على اطراف العاصمه وقد دخل حذر التجوال نرى أحمد وخالد وجاسر في الطريق"

أحمد: يا جماعه الحظر دخل لازم نشوف حته نقعد فيها لحد الصبح

خالد: عايزنا نروح فين

أحمد: "يقف ساكتا وينظر حوله ويرى كفتريا تغلق ابوابها" تعالوا ورايا

"يمشى احمد في اتجاه الكافيه وورائه خالد وجاسر حتى يصل إلى الكافيه ونرى العمال وهم يدخلون
الكراسي"

أحمد: "يكلم احد العمال" بعد اذنك

العامل: تحت امرك

أحمد: الامر لله بس هو ما فيش فندق صغير في اى حته هنا

العامل: لا والله بس بتسأل ليه؟

أحمد: اصل إحنا مش من هنا والحظر خلاص كلها ساعه ومش عارفين نروح فين

العامل: ولا يهكم يا شباب أنا بيت هنا أنا وواحد كمان ممكن تقعدوا معانا لحد الصبح وبعدين تشقوا
طريقكم

أحمد: لا شكرا مش عاوزين نتقل عليكم

"نرى خالد وجاسر غاضبين لرفضه"

الفخ

العامل: ولا هتقل ولا حاجه الناس لبعضيها وبعدين ادينا هنسلى بعض لحد الصبح

أحمد: الف شكر

العامل: لا شكر على واجب اتفضلوا استرحوا

"ويدخلهم إلى الكافيه ويجهز لهم كراسى يجلسوا عليها"

العامل: بعد اذنكم هوصل اجيب شويه حاجات على بال ما الشباب يخلصوا تقفيل ومش هتاخر

"يجلس خالد و احمد وجاسر والعمال يقومون بانهاء عملهم ثم يدخل العامل وفي يده بعض الاكياس وبعدها يمشى العمال ويغلق العامل باب المحل من الداخل"

العامل: لا مؤاخذه اتاخرت عليكم خدوا راحتكم المكان مكانكم

"ثم يجلس احد الطاومات ويبدأ بإخراج ما في الاكياس ووضعه عليها"

العامل: اتفضلوا يا شباب عيش وملح

خالد: لا بالهنا والشفا يا ابو الشباب

العامل: والله ما يحصل أنا عامل حسابكم معايا انتوا في ضياقتى

جاسر: والله

العامل: والله هزعل الكلام ده مبيصحش ده عيبه في وشى

"يقوم ويشدهم واحد تلو الاخر ويجلسهم على الطاولة ويبدأون في الاكل وبعدها ينامون حتى الصباح"

مشهد ٨٦

"يستيقظ الجميع من النوم ولا يجدون العامل ويجدون الباب مغلق من الخارج"

خالد: هو راح فين ده كمان

أحمد: "يغسل وجهه" زمانه جاى هيروح فين يعنى

الفخ

خالد: الواد ده شكله مجنون

جاسر: لا يا خالد عيب دا واد طيب

أحمد: قوله يا جاسر والنبي

جاسر: ما أنا بقوله اهو

"يدخل العامل وفى يده اكياس"

العامل: صباح الخير

أحمد: هو أنت غاوى تتعب نفسك وخلص

العامل: يا عم قول صباح الخير الاول

أحمد: صباح الخير

خالد: مكش ليها لزمه التكاليف دى

العامل: ولا تكاليف ولا حاجه.... يلا اتفضلوا الفطار جاهز

جاسر: تسلم الايادى

خالد: "بغضب" بلاش الكلمه دى

العامل: "ينظر إلى خالد باستغراب"

خالد: "بصوت هادئ" بلاش الكلمه دى ليكون الباشا بيتضايق منها

العامل: لا طبعا مش بتضايق دا أنا عاملها رنه الموبايل

أحمد: بلاش كلام في السياسه والنبي خلونا في الفول والطعميه دلوقتى

"ويبدأون بالاكل وبعد الانتهاء من الطعام يخرج أحمد فلوس من جيبه ويعطيها للعامل"

أحمد: اتفضل دول عشان وقفنك معنا

العامل: والله عيب عليك أنت بتشتمنى كده

خالد: يا باشا ده حقك

الفخ

خالد: إيه !!!!! هو احمد كده "ونرى ابتسامه ماكره على وجهه"

جاسر: أنت مبسوط والنبي اتلهى أنت كمان

"يمد احمد يده للظابط ويسلم عليه"

أحمد: فيه حاجه ممكن نساعدك بيها

الظابط: اه يا ريت لو شويه ميه عشان العرييه سخنت

أحمد: غالى والطلب رخيص

"ويذهب في اتجاه سيارتهم ونرى الاستغراب والراحه على وجه جاسر والابتسامه على وجه أحمد
وخالد"

جاسر: فيه إيه مالك؟

أحمد: مفيش الراجل عربيته سخنت ومش معاه ميه جاى اخدله ميه فيها حاجه دى

خالد: لا مفيهاش حاجه خالص

أحمد: طيب عقله

"ويأخذ المياه ويذهب إلى الظابط مره اخرى ويعطيه زجاجه المياه"

أحمد: اتفضل سيادتك

الظابط: الف شكر "ويلتفت ليفتح كبوت السيارة"

"يقترّب أحمد منه ونرى الارباك على وجه جاسر ولكن نرى إن احمد يساعد الظابط لفتح الكبوت
فنرى الارتياح مره اخرى على وجه جاسر ولكن يفاجاء أحمد الجميع ويخرج المنشار الحديدى من
جيبه ويقطع رقبة الظابط به ويلقيه على الارض ويبدأ في تشرّحه وهو يقول"

أحمد: ده ذنب ابويا وامى يا ولاد الكلب "ونرى انه دخل في حاله انهيار عصبى"

"يجرى عليه خالد ويرفعه من على الارض بالقوه ويضعه في خلفيه السيارة ويركب جاسر في الامام
ثم يجرى خالد ويقود السيارة باقصى سرعه مبتعدا عن المكان"

مشهد ٨٩

"حل الظلام ومزال الشباب في طريقهم للعريش ونرى احمد نائما في خلفيه السيارة وخالد يقود وجواره جاسر ويخرج خالد الهاتف من جيبه ويقوم بعمل مكالمه هاتفية"

خالد: السلام عليكم ورحمه الله وبركاته أنا ابو ياسين أنا في طريقى للعرش ومش عارف طريق السجاده الحمراء عند الدبور التالت جزاك الله خيرا وعليكم السلام

جاسر: "ينظر اليه باستغراب" إيه اللي أنت لسه قايله ده

خالد: أنا قولت إن إحنا داخلين العريش ومش عارفين مكان تمرکزهم فردوا عليا انهم هيبعتوا حد يخودنا من عند قسم تالت

جاسر: لا والله!!!! ومين ياسين ده؟

خالد: اسمى في الجماعه

جاسر: مقولتلناش انك متجوز يعنى

خالد: أنا مش متجوز ولا حاجه كل واحد ليه اسم حركى وده اسمى أنت شكلك هنتعبننا معاك

جاسر: خلاص يا عم ركز في طريقك ومنتعصبش عليا

مشهد ٩٠

"في ارض زراعيه والظلام قد حل على المكان يمر احد الفلاحين بعربه يجرها حمار ويسمع هذا الشخص صوتا من وسط الزراعات يجعله يتوقف ليرى مصدر الصوت فاذا به يوسف غارقا في دمه فيرفعه الفلاح من الارض ويضعه في صندوق العربيه ويذهب به إلى بيته وهو بيت مكون من طابقين بالارضى والفلاح يسكن في الدور الارضى حيث يضع يوسف ويجرى إلى الشقه في الدور الذى يعلوه ويقرع الجرس فيخرج احد الشباب"

الشاب ويدعى محمد: فيه إيه يا بابا مالك بتتهج ليه

الفلاح: تعالى يا ابنى معايا بسرعه "ويشده من يده وينزل به حيث وضع يوسف"

محمد: إيه ده يا حج إحنا لازم تبلغ عنه حالا

الفلاح: لا مش هنبليغ اظلع هات شنطتك واتصرف مع الحاله يا دكتور

محمد: دكتور ايه ونبله ايه ده ممكن يكون مجرم ارهابى ومطلوب

الفلاح: "بعصبيه" أنت قولت ممكن وممكن لا وفى الاول والاخر ده بنى ادم يا دكتور اتفضل شوف
شغلك

محمد: "بدون اقتناع" حاضر ممكن اروح اجيب شنطتى

الفلاح: شنطتك اهى "ويخرجها من خلف الباب" اتفضل شوف شغلك

"ويبدأ محمد في علاج يوسف من الرصاصه وتطهير الجرح"

مشهد ٩١

"في منطقه صحراويه جبلية لا يوجد بها اى معالم للحياه نرى بها مجموعه من العتاش يدخل أحمد
وخالد وجاسر وشخص آخر إلى احد هذه العتاش نرى في هذه العتسه سرير وطاوله وكرسى وبعض
الاسلحه مرتصه على الحائط وسجاده بسيطه رماديه على الارض ونرى بها رجل كبير في السن ذو
لحيه بيضاء جالس على الاب توب وعند دخول الشباب عليه يقول ليسلم عليهم"

الرجل ويدعى ابو انس: مرحب بيكم يا شباب حمد الله على سلامتكم

خالد: "يميل على ابو انس ويقل يده"

ابو انس: "يشير للشخص الرابع الذى دخل مع الشباب" خد الشباب وديهم لعشتم عشان يرتاحوا

"ياخذهم ذلك الشخص ويهم خالد للخروج ورائهم ولكن ابو انس يناديه"

ابو انس: خليك أنت يا خالد عاوزك في كلمتين روحوا انتوا يا شباب وارتاحوا

"يقف خالد امام ابو انس ويخرج الشباب ثم يجلس ابو انس على السرير"

ابو انس: هات الكرسي ده واقعد يا خالد

خالد: "ياتى بالكرسى ويجلس امام الشيخ" خير يا شيخنا

ابو انس: مين الشباب اللي معاك دول عرفنى عليهم

خالد: الشباب من جماعه الاخوان ومن معارف ابو صابر الحمساوى

ابو انس: ما أنا عارف أنا قصدى تعرفنى عليهم يعنى نستخدمهم ازاي

خالد: انا انا لا من الناحية دي ما تقلقش الاول احمد وده من معرفتي بيه إن ابوه وامه ماتوا على ايد الشرطة فهو كاره النظام ده ولسه قاتل ضابط جيش في الطريق واحنا جاين والدنيا مقلوبه عليه

ابو انس: ما شاء الله ربنا يحفظه طيب والتانى

خالد: التانى جاسر وده كاره للانقلاب واتقبض عليه مرتين قبل ثوره ٢٥ يناير لانتمائه لجماعه الاخوان بس المشكله انوا بدأ يفكر في الفتره اللي فاتت شويه

ابو انس: استغفر الله العظيم هي امور الدين محتاجه تفكير ما هي واضحه خالص حاول تسيطر عليه يا خالد وابعد عن التفكير خلى ربنا يغفرله

خالد: لا ما تقلقش يا شيخنا هو تفكيره مش مؤثر خالص

ابو انس: بارك الله فيك تقدر تروح تتراح دلوقتي عشتك جاهزه عارف الطريق ولا نسيته

خالد: بارك الله فيك يا شيخ "ويقوم ويقبل يد ابو انس"

"ويشير له ابو انس بالخروج فيخرج ثم يطفى الشيش والنور وينام"

مشهد ٩٢

"في الصباح وبالتحديد في منزل الفلاح الذى انقذ يوسف نرى يوسف نائما على السرير كتفه موبوط بالشاش والقطن ثم يستيقظ يوسف من نومه ويتلفت حوله يمينا وشمالا وكانه تائه ثم يدخل الفلاح صاحب البيت ليلقى نظره على يوسف فيجده قد استيقظ فيسحب كرسى ويذهب ليجلس بجواره ونرى يوسف ينظر اليه مستغربا"

الفلاح: حمد الله على السلامه يا ابني عامل ايه دلوقتي يوسف: "تائها" هو أنا فين؟؟!!

الفلاح: أنت هنا في بيتي أنا لقيتك في الغيط غرقان في دمك

يوسف: "يحاول يوسف إن يقوم من على سريره ولكن كتفه يؤلمه بشده" أنا لازم امشى حالا

الفخ

الفلاح: "يمسك به ويجلسه على السرير" مش هينفع أنت هنا ضيف عندي وفي امان محدش يعرف عنك حاجه

يوسف: أنا بقالى قد إيه هنا؟

الفلاح: أنت هنا من امبارح بليل بس أنت فضلت في الغيط يومين اتنين غرقان في دمك لحد لما اغمى عليك

يوسف: أنت ساعدتني ليه؟ لو حد تانى مكانك كان سلمنى!!!

الفلاح: ساعدتك عشان أنت بنى ادم والروح غاليه عند ربنا

يوسف: طيب افرض انى حرامى أو قاتل أو ارهابى

الفلاح: حتى لو جن ازرق بس روح ولازم نحافظ عليها وربنا امرنا بكده

"ثم يقوم الرجل ليخرج من الغرفة"

يوسف: أنت رايح فين؟

الفلاح: دقيفه واحده وجايلك

"يخرج الفلاح لفته نرى فيها يوسف ينظر لاحد زوايا الغرفة ويفكر ثم يدخل الفلاح ومعه بعض الطعام"

الفلاح: اتفضل لازم تخلص الاكل ده كلوا

يوسف: إيه ده لا شكرا مش جعان

الفلاح: ما تتكسفش وبعدين مش جعان ازاي أنت بقالك يومين مكلتش حاجه ولازم تعوض الدم اللي راح منك

يوسف: بجد أنت راجل طيب قوى يا ريت الناس كلها زيك

الفلاح: "ينظر اليه ويبتسم" طيب يلا عشان يبقى عيش ملح

"ويبدأ الفلاح بالأكل ومن بعده يوسف"

"خالد يدخل إلى عشه أحمد وجاسر ويوقظهم من النوم"

أحمد: فيه إيه يا خالد

خالد: تعالوا معايا

أحمد: نيجي معاك فين؟

خالد: بس تعالوا

جاسر: "بصوت هادئ" الواد ده مجنون رسمي

خالد: أنت بتقول إيه

جاسر: بقول جايين وراك حالا

"ويخرج خالد وخلفه أحمد وجاسر ويمشون ورائه حتى يجدوا نفسهم في مكان به اسلحه واهداف للتدريب"

جاسر: اهو ده اللي كنت خايف منه

خالد: يلا كل واحد ياخذ له سلاح

أحمد: هو ده الكلام بقى ضرب نار

"ويأخذ كل منهم سلاح ويبدئون بالتدريب على ضرب النار والنشان على الاهداف ونرى إن احمد يتعلم بسرعه ولكن جاسر لا يحب الموضوع"

خالد: كفايه كده النهارده ويلا بينا عشان فيه اجتماع مهم

"يدخل أحمد وجاسر ومن امامهم خالد إلى ساحه كبيره امام العشش ونرى عدد من الرجال والشباب جالس على الارض ويقف امامه الشيخ ابو انس فيدخل الشباب وسط الجموع ويجلسون"

الفخ

ابو انس: جميعنا هنا نعلم إننا نقاتل من اجل الاسلام و ضد الانقلاب الذى قتل اخواتنا في رابعه ومن اجل نصره الاسلام لذلك هناك مهمه سوف يقوم بها بعض رجالنا ضد رجال الانقلاب فيجب علينا جميعا ان نستعد لمواجهة اى خطر وياذن الله الاخوه الجدد سوف ينضموا إلى منفذى العمليه ليتعلموا منهم

"ينظر جاسر لأحمد في قلق ونرى الابتسامه مرسومه على وجه أحمد"

ابو انس: استعدوا ايها المجاهدين اما النصر أو الشهاده

الجميع: الله اكبر الله اكبر

"وينفض الجميع كل إلى عشته ونرى احمد وجاسر وخالد يمشون إلى العشه خاصتهم"

جاسر: أنا مش طالع الطلعه دى

أحمد: ليه يا ابنى دى فرصه عشان ننتقم منهم

خالد: مفيش حاجه اسمها مش طالع أنت هتعصى الامر ... طاعه ولى الامر واجبه يا اخ جاسر

جاسر: "ينظر إلى خالد ويأخذ نفسا عميقا ولا يتكلم"

خالد: بلا جهزوا نفسكم كلها كام ساعه و نتحرك

"يدخلون إلى عشتهم ويمشى خالد أيضا إلى عشته"

مشهد ٩٥

"في منزل الفلاح بعد حلول الليل نرى الفلاح جالس مع يوسف ويتحدثون"

يوسف: بس ودي هي حكايتى

الفلاح: "ينظر اليه متأثرا" بص يا ابنى أنا هسيبك تمشى من هنا وأنا مديك الامان ومش هبلغ عنك بس يا ريت تراجع نفسك السكه اللي أنت ماشى فيها دى اخرتها النار مش الجنه زى ما أنت فاكرو مين أنت عشان تقول إن ده مسلم ولا كافر يا ابنى ده لو حتى كافر ده ليه حق عندك كمسلم انك تفهمه ولو مفهمش لكم دينكم ولى دين مش تقتله هو ده الاسلام اللي أنا اعرفه واللى الناس كلها عرفاه مش الاسلام اللي قالوك عليه فكر في كلامى يا ابنى وقرر مصيرك

الفخ

يوسف: "ينظر إلى الرجل وعينه يملؤها الخجل" أنت صح يا حج أنا أسف

الفلاح: ما تتأسفش ليا اتأسف لبلدك وفهم اصحابك يا رب يهديكم وينور بصيرتكم قوم ارتاح لك شويه

يوسف: أنت مش قولت انى همشى

الفلاح: أنت عاوز تمشى هتقدر

يوسف: "ينظر اليه ولا يتكلم"

الفلاح: خلاص ادخل الاوضه وارتاح شويه

يوسف: حاضر "ويدخل الغرفه"

مشهد ٩٦

"سيارة ميكروباص واقفه في وسط الطريق الصحراوى في منتصف الليل ويقف بجانبها ٨ رجال منهم أحمد وجاسر وخالد وكل الرجال مسلحين في ذلك الوقت يمر ميكروباص آخر ويبدأ الرجال بإطلاق النار عليه حتى توقف ثم قاموا بالجرى في اتجاهه وانزال من فيه ونرى انهم مجندون في الجيش وبينهم ضابط يقوم الارهابيون برصهم في صف واحد بجوار الميكروباص ويطلقون عليهم الرصاص جميعا ونرى إن جاسر لم يقم بالاطلاق وكان يدير وجهه في الناحيه الاخرى"

خالد: "ينظر الي جاسر بإستنكار" وقفوا ضرب يا رجاله

"ويرفع خالد البندقية على رأس جاسر وينظر للمجندين فيجد احدهم ما زال حى"

خالد: اقتله

جاسر: "ينظر إلى خالد بتوتر"

خالد: اقتله والا هتنام جنبه جثه

جاسر: "يرفع سلاحه ويقوم بقتل المجند الذى ينطق الشهاده قبل اطلاق النار عليه ثم ينزل سلاحه وينظر لخالد بتحدى ويمشى إلى الميكروباص الخاص بهم ومن بعده الجميع"

"يعود الميكروباص إلى العتس ونجد إن مجموعه من الرجال في انتظارهم"

خالد: "ينزل من الميكروباص فيجد الجميع يبايعه على الاماره" هو فيه إيه يا جماعه

احد الرجال: ابو انس توفى بعد ما طلعتم وانت النائب بتاعه

خالد: لا حول ولا قوه إلا بالله انتبهو جميعا

"يلقف الجميع حوله"

خالد: أنا اميركم الجديد لى عندكم السمع والطاعه "وبنظر إلى جاسر" وكل من يعصى كلامى
سوف يقتل

الجميع: نبايعك على السمع والطاعه

خالد: ونائبى هو أحمد "ويشير عليه فيلتفت الجميع لينظر اليه"

الجميع: دا الواد الجديد

خالد: "بصوت عالى" ليس بيننا اولاد كلنا رجال مجاهدين فالتبايعوه الان

"يقوم الجميع بمبايعه أحمد وينفض الجميع ولا يوجد إلا خالد وجاسر يقف بجوار أحمد ونرى خالد
ينظر إلى جاسر بتحدى ثم يمشى بعيدا"

جاسر: أنا مش مطمئن يا أحمد

أحمد: ليه؟ إحنا في خدمه شريعه ربنا اما النصر أو الشهاده

جاسر: أنا مش عبنى الطريق اللي إحنا فيه

أحمد: ماله الطريق اللي إحنا فيه ده طريق الجنه

جاسر: الجنه طرقها كثير مش لازم طريق الدم

الفخ

أحمد: ده افضل الطرق "يهدده" ابعده عن افكار الشيطان والا
"يمشى أحمد ويترك جاسر ورائه ونرى جاسر قد وضع وجهه في الارض ثم رفع راسه إلى السماء"
جاسر: "في سره" لا حول ولا قوة إلا بالله يا رب نورلى بصيرتى واهدبنى للطريق الصح

مشهد ٩٨

"في الصباح نرى جاسر جالس على اللاب توب ثم يدخل عليه أحمد"

أحمد: بتعمل إيه؟

جاسر: تعالى يا أحمد شوف اهل الفاس اللي إحنا قتلناهم امبارح شوف إحنا حرقنا قلب كام ام وكام
اب ويتمنا كام واحد

أحمد: اقل البتاع ده وتعالى معايا

جاسر: بلاش الناس دى تعالى شوف كلام الشيوخ والعلماء عن اللي إحنا بنعمله

أحمد: "يغلق شاشه اللاب توب" ما تبقاش ضعيف كده إحنا بنقاتل في سبيل الله

جاسر: في سبيل الله ضد مين؟

أحمد: ضد الكفره

جاسر: مين قالك انهم كفره؟

أحمد: ربنا

جاسر: دا إحنا اللي كفره

"يخرج أحمد مسدسه ويشهره في وجه جاسر"

جاسر: "بيتسم ابتسامه ساخره" اقتلنى ما الموضوع بقى سهل بالنسبالك

أحمد: "ينزل مسدسه" لو قلت الكلام ده مره تانيه هعملها ومش هيهمنى صداقه

"ثم يخرج أحمد من العشه"

مشهد ٩٩

"أحمد خارج من العشه التي بها جاسر ينادى عليه خالد من احد العشش المجاوره فيذهب اليه ويدخل ويجلس معه"

خالد: أنا عاوزك في مهمه ومش هقدر اعتمد غير عليك فيها

أحمد: انا في خدمه الجماعه

خالد: كويس أنت هتروح تستلم سلاح وتسلم الفلوس دى من على الحدود

أحمد: الموضوع سهل خالص أنت مكبره ليه

خالد: عشان الفلوس كثير والسلاح مهم

أحمد: خلاص ماشى..... الميعاد امتى؟

خالد: دلوقتى

أحمد: دلوقتى!!!!

خالد: معلش بقى كان أنا المفروض اللي هقوم بالموضوع ده بس معدش ينفع

أحمد: مفيش مشاكل

خالد: جهز نفسك على بال ما اجهز لك الفلوس

أحمد: السلام عليكم

خالد: وعليكم السلام

"يخرج احمد من العشه"

مشهد ١٠٠

الفخ

"يستلم احمد السلاح وفى طريق العوده يرى أحمد كمين فى الطريق فيقرر عدم الوقوف فيه ولكن عند كسره للكمين يلقى احد الضباط بقطع حديدية مدببه على الارض توقف السيارة ويقوم الضابط بانزال أحمد من السيارة ويبدأوا فى تفتيشها ويقوم أحمد الضباط بكليشته ثم ينظر الضابط إلى وجه أحمد ونرى الاثنين فى حاله ذهول"

الضابط: احمد!!! أنت إيه اللي جابك هنا؟

أحمد: "يتهته ويقول كلام غير مفهوم"

"نرى القوه تقوم بتفتيش السيارة"

الضابط: يعنى أنت هنا وبتقتل وبتاجر فى السلاح وابويا فى البيت ندمان على انوا زعلقك وانوا سابك تمشى من البيت وبيتمنى رجوعك يا ابن عمى والبننت اللي ماتت من الحسره عليك

"فى هذا الوقت ياتى أحد الرجال مستقل موتوسيكل ويقف بجوار أحمد والضابط"

الرجل: اركب يا احمد

الضابط: ارجع بيتك يا أحمد

"ونرى إن ابن عمه قد تركه يذهب ويركب الموتوسيكل وتبدأ القوه فى اطلاق الرصاص فى اتجاه الموتوسيكل فيخرج سائق الموتوسيكل روموت كونترول ويفجر به السيارة التى كان بها أحمد"

أحمد: أنت مجنون مين اللي فلك اعمل كده وقف وقف

"يقف الموتوسيكل وينزل أحمد وينظر إلى الكمين فيجد ابن عمه على الارض والنيران مشتعله فى جثته هو والاخرين فيخرج أحمد مسدسه ويطلق النار على الرجل الجالس على الموتوسيكل ويوقعه ميتا ويأخذ الموتوسيكل ويجرى به"

مشهد ١٠١

"يجلس أحمد فى وسط الصحراء على صخره كبيره وينظر إلى السماء ويبدأ فى البكاء"

مشهد ١٠٢

الفخ

"في الليل يدخل أحمد إلى منطقة العرش ويستقبله خالد ونرى إن جاسر مربوط في احد الصخور والنيران مشتعله من حوله"

خالد: حمد الله على سلامتک

أحمد: "ينظر إلى خالد وينظر في اتجاه جاسر والحزن على وجهه"
خالد: ما تزعلش كده فداك سلاح الدنيا كله

أحمد: إيه اللي أنت عامله في جاسر ده

خالد: "بهدوء" الكلب كان رايح يبلغ عننا لولا إن إحنا مسكناه قبل ما يدخل القسم كان زمانا كلنا في السجن

أحمد: طيب فكه وسيبه لحاله

خالد: ازاي دا أنا سايبه لحد ما أنت تيجي وتصرف معاه بنفسك

أحمد: "بعصبية" وأنا بقولك سيبه يا خالد

خالد: "بهدوء" اسمي الشيخ خالد وأنا بقولك اقتله

"يتركه أحمد ويمشي في اتجاه جاسر ولكن يطلق خالد عليه الرصاص ويقتله ثم يلتفت أحمد إلى خالد وينظر إليه فنرى خالد يبتسم بسخريه فيبتسم له أحمد بتحدى وبدون مبالاه لما فعله ويكمل طريقه ونرى الدموع تنزل من عينه ثم يدخل إلى العشه الخاصه به"

مشهد ١٠٣

"يجلس أحمد في العشه والدموع على خده وكأنه يلوم نفسه عن كل شئ ثم ينظر فيجد الاب توب الخاص بجاسر فيأخذه ويفتحة ويضع به فلاشه النت ويفتح صفحت الفيس بوك القديمه فيجد بها الكثير من الرسائل من اصدقائه كلها تتمنى رجوعه ولكن يفتح رساله نور"

نور: أنا عارفه انك مش هتشوف الرساله دي بس يوم ما تشوفها اعرف اني بحبك قوى ونفسي ترجع لى وبدعى ربنا كل يوم انك ما تكونش متورط في مواضيع القتل والارهاب ولو كنت كده وأنا كان مكتوب لى اموت في عمليه ارهابيه يا رب ما تكون على ايدك بحبك قوى

الفخ

"يقوم أحمد بفتح صفحتها الرئيسية فيرى صورها وهي مكتوب عليها نور شهيد الارهاب ونرى انه قد اصابته صدمه فيقوم باغلاق الفيس بوك وعندها يرى أحد الفيديوهات على سح المكتب فيفتح احدهم و نرى إن الفيديو عباره عن جزئ من خطبه دينيه"

الشيخ: اذهبوا فانتم الطلقاء العفو والكرهيه والاسلام هو موضوع خطبتنا الاسلام لا يحل دماء البشر مهما كانوا فقد حرم الله قتل النفس وقال النفس فقط لم يقل النفس المسلمه أو... أو... بل قال النفس اسمع من بعضكم انه الله حرم قتل النفس إلا بالحق فيجوز قتل الكافرين..... اقول من هو الكافر؟ الكافر هو من كفر بوجود الله ولكن كل من قال اشهد إن لا اله إلا الله وان محمد رسول الله ... هو مسلم موحد ولا يجوز تكفيره ... اما بالنسبة للنصراني فهو لا يكفر بوجود الله وانما له حق عندنا في الاسلام وان لم يكن فلن يوصينا عليهم رسول الله ولو كان قتل الكافرين امر مهم في الاسلام فكان من الاولى إن يقتل رسول الله كفار قريش الذين اذوه ووقفوا امام دعوته ولكن قال لهم اذهبوا فانتم الطلقاء

"يقوم أحمد في هذه اللحظه بإغلاق اللاب توب وينام على سريره وعينه في السماء ويبدأ في التفكير"

مشهد ١٠٤

"في الظلام وفي منتصف الليل ولا يسمع سوا صوت الصحراء نرى أحمد وهو يحفر في الارض وبعد إن ينهي الحفر يذهب ويأني بجاسر من على الصخره ويقوم بدفنه و وضع التراب عليه وهو يبكي ثم بعد الانتهاء من الدفن نراه وهو واقف يصلى عليه وبعدها يجلس على قبره ويدعوا له وهو يبكي"

مشهد ١٠٥

"في وقت شروق الشمس نسمع صوت الطائرات تحوم حول المنطقه ويبدأ قصف العشش ودخول قوات الجيش والشرطه إلى العشش ونسمع تبادل لاطلاق النار بين الطرفين ونرى خالد وهو خارج من عشته وفي يده سلاحه يقوم بإطلاق النار منه ويصيب جنديين ويقوم بالجرى حتى يصل إلى سيارته الصحراويه التي يركبها ويهرب بها هو وبعض الرجال الذين استقلوا ه سياراتهم اخرى ونرى إن قصف الطائرات قد اصاب سيارة منهم وفر الباقي"

مشهد ١٠٦

"اذاعه خبر القضاء على البوره الارهابيه على جميع القنوات والبرامج"

مشهد ١٠٧

"في قسم الشرطه وبالأخص في مكتب الضابط نرى الضابط على مكتبه واحمد جالس امامه
والعسكري واقف على الباب ونرى إن أحمد في حاله حزن"

الضابط: بجد أنا عاجز عن شكرك في اللي أنت عملته

أحمد: أنا مش محتاج شكر دا واجبي أنا كل اللي أنا عاوزه إن ربنا يغفرلى اللي أنا عملته

الضابط: أنا مش عارف اقولك إيه بس أنا لازم اقبض عليك واحطك في الحجز لحد لما تتعرض على
النيابه

أحمد: أنا عارف

الضابط: أنا مش هنزلك الحجز أنا هأمر انك تروح المستشفى عشان حاله اللي أنت فيها

أحمد: ممكن تسمحلى اتكلم في التلفون

الضابط: طبعاً افضل

"يقوم أحمد ويمسك الهاتف ويقوم بعمل اتصال"

أحمد: الو عمى أنا أحمد "ويبدأ في البكاء"

"نرى هاشم في صدمه لسماع صوت أحمد"

هاشم: احمد الحمد لله انك بخير أنت فين يا ابني

أحمد: أنا أسف يا عمى انى مسمعتش كلامك من الاول

هاشم: ولا يهملك يا ابني

أحمد: أنا حبيت اسمع صوتك واطمن عليك عشان الله اعلم اذا كنت هعرف اكلمك تانى ولا لا

هاشم: ليه يا ابني بتقول كده ؟ بيتك مستنيك

أحمد: البقاء لله سلام

"ويقوم بإغلاق الخط"

الفخ

أحمد: تقدر حضرتك تعمل اللي أنت عاوزه

الضابط: خدوا يا عسكري

"يمسك العسكري أحمد من زراعه فينظر أحمد على مكتب الضابط فيرى مصحف"

أحمد: "يكلم العسكري" ممكن ثانيه واحده

"يتوقف العسكري ويقف بجانبه"

أحمد: ممكن اتقل على حضرتك

الضابط: ممكن اتفضل

أحمد: ممكن "وينظر إلى المصحف ويشير عليه"

الضابط: "ينظر إلى المصحف ويقوم من على مكتبه ويأخذ المصحف ويعطيه لأحمد في يده"
اتفضل

أحمد: شكرا

"ثم يأخذه العسكري ويخرج من المكتب"

مشهد ١٠٨

"نرى أحمد جالس في مكتب وكيل النيابة ووكيل النيابة يقول قراره"

وكيل النيابة: قرار وكيل نيابه العريش تحويل أحمد عادل إلى محكمه جنايات السويس وايداعه في سجن السويس العام لحين عرضه على المحكمه خدوا يا عسكري

"يأخذه العسكري ويخرج به ونرى أحمد وهو في يده المصحف"

مشهد ١٠٩

"في الطريق الصحراوي نرى سيارتين للشرطة وسياره ترحيلات على الطريق ونرى في سيارة الترحيلات أحمد وهو جالس في احد اركان السيارة ويرتدى البدله البيضاء وفي يده المصحف ويقرأ فيه وفجأه تتوقف السيارة ونسمع اطلاق الرصاص في كل مكان ولكن لا يهتز أحمد من مكانه ويواصل قرائه القرآن ثم يدخل بعض الرجال إلى سيارة الترحيلات فيقف احمد"

أحمد: صدق الله العظيم "ثم يقف ويغلق المصحف ويمسكه في يده اليمنى"

"يخرج من وسط الرجال خالد ويشهر مسدسه في وجه أحمد وما زال اطلاق الرصاص في الخارج"

خالد: "ينظر إلى أحمد بغضب"

أحمد: "يحرك شفتاه" اشهد إن لا اله إلا الله وان محمد رسول الله

"يقوم خالد بإطلاق النار على أحمد ويدير ظهره ويمشى ونرى أحمد على الارض غارق في دمه وحتضن المصحف"

مشهد ١١٠

"سيارات الشرطه في كل مكان تنقل ضحايا الحادث ونرى سيارات الشرطه محترقه والاسعاف تنقل ضباط وعساكر شهداء وينقلون احمد وهو ما زال يحتضن المصحف"

صوت احمد: هو ده الفخ بجد اخره ديما موت بس يا إما تموت وانت ليك قيمه يا اما تموت ارهابي مالكش قيمه

النهايه

الفخ

دائما ما تغير المحن حياتنا اما للأفضل أو للأسوء فيجب علينا أن ننظر الى
محنتنا ونأخذ خيرها ونلقى شرها عرض الحائط

عن الكاتب

محمد مسلم ، من مواليد الرجديه واحده من قرى طنطا محافظه الغربيه ، مواليد سنة ١٩٩٣ ، التحق
بكلية الهندسه سنه ٢٠١١ ، يدرس هندسه نظم حاسبات والكترونيات ، ما بين ايديكم اول رواياته ،
انتهى منها في اوائل ٢٠١٤ ، ونشرت في صيف ٢٠١٤ .

للتواصل مع الكاتب

Mohamed.mosalem50@gmail.com

01281027505